



# सुजुगिरिनि खोलाम

## गामिफोराव सि दानायनि माखु गाबनाय खोनाबालिया गोदो-गोदायनिफ्रायनो गामियाव राइजो जाबोनाय

जौनि सुबुंफोरा दानाय-लुनायखो गोनां आरिमु महरै गोबानानै लाबोदों। बर' माहारिनि गेजेराव बाश्रा फंसे दइ, 'जाय हिन्जावया दानाय-लुनायाव आखा-फाखा नख बिब्दि सिख्खारखौ रावबो जुलि खालामा'। बाश्राया बौरैबा नंखायबो नखमोन। नाथाय आधिखालनि समाव बेफोर बाश्राया खामनियव होलिया। गोदोनि समाव गामिआव नख 'फ्रमोमबो साल-गान्देजों समायना इसानसाली थानायमोन। मेसें बोथोर सौफेनाय लोमो-लोमो नख 'र-नख 'र सि सौनाय, नो-खन्या, बेनि उनाव गान्देआव खुन्दुखो फानानै सालाव दानाय बादि बाइदि। गामिआव हाबहैब्लानो नख 'र-नख 'र खालथां-खालथां माखु गाबनाय सोदोब खोनानो मोन्यायमोन। आधिखालाव नाथाय गामिफोराव हाबहैब्ला माखु गाबनायखौ बांदाय खोनानो मोनबालिया। अदेबानि गामि गोथौफोराव दावसिन-दावला गाबनायजों लोमोसे माखु गाबनायखौ दाबो खोनानो मोनो। मा जाहोनाव गामिनि आइजोफोरा सि दानायखौ नागारनो हमखो, बेखौबो गोथौयै सान्ते गोनां जाबाय। गोदोनि समाव खुन्दुखौ गाव गावनो बाइदि रोखोम मुवाफोर बुथुमनानै गाव गानानै सि दानायमोन। नाथाय, आधिखालाव हाथायफोराव मोन्याय गोजा, गोथां, गोमो बाइदि रोखोम गाबनि खुन्दु बायनानै दखना, जोमग्रा जोमग्रा सिमा, बग्रा सिमा, गामसाफोर दानानै गान्याय-जोमनायमोन। गोदो गामि गामि इन्दि बिफोनि बागान खालामनानै एम्फौ फिसिनानै फिथोबनिफ्राय इन्दि खुन्दु दिहुनानै इन्दि सि दानायमोन। नख 'राव जोमनो माखासे दोनानै गुबुननोबो बेसेन गोसानि फानहरनायमोन। इन्दि सिनि बेसेनआ गोदोनिखुइ आधिखालाव गोबांसिन जाबाय। आधिखालाव गोबां रोखोमनि इन्दि सि दानानै दिहुनो हायोब्ला बेनिफ्रायबो गोबां रां बुथुमनो हायो। बेजोंनो नख 'रनि गथ'-गथयनो लेखा-बायनो गाननाय-जोमनाय ज'गार खालामनो हानायजों लोमोसे नख 'रनि खरसाबो दिहुनो हायो। आधिखालनि सुबुंफोरा नाथाय इन्दि सिखौ जोमाबालिया, हाथाय-बाजाराव फानाय मनिपुरि जोमग्रा, काश्मीर साल बाइदि बाइदि सि फोरखौसो बायनानै जोमनाय नुनो मोनसै।

आधिखालाव बर' आइजोफोराबो सि फालांगि खालामनो लानायखौ नुनो मोनबाय। आइजोफोरनि दानाय-लुनायनि आफादफोरनिफ्राय दानाय सिफोरखौ फानाय नुनो मोनदोंसै। नुनो मोन्याय बादियेब्ला उइभिनिफ्राय दिहुनजानाय सि-जोमखौ फानायनि थाखाय गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिन्ना थानानै थानांगौआ गोब्राब। हादतनि बाइजोयावबो बे रोखोमनि हाथाय थानांगोन।

माहारिनि हारिमु आरो आरिमुखौ फोथानानै लाखिनयनि बिबानखौ बर' आइजोफोरा गोदो-गोदायनिफ्राय सोलिबोनाय बायदिनो दानाय-लुनायनि हारिमुखौ फोथानानै लाखिनांगोन। सरकार बिधिनिफ्रायबो गामिफोरनि आइजोफोरखौ थुलुंगा होनो मावसोमनानै जाग्रा सुबुंफोरनो गान्याय-जोमनाय सि दानो खुन्दु जगायनानै होलानांगोन। आधिखालनि समाव मुवा-बेसादफोरनि बेसेना अखां नांगा जाहैबाय। बोथिसे जानाय-लौनायखौ जगायनो हायै सुबुंफोरा गान्याय-जोमनायखौ जगायनो गोब्राब जाकागोन। बेखायनो बेजों लोमो लोमोनो माहारिनि हारिमु आरो आरिमुखौबो सि दानायनि गेजेरजोंबो लाखिलांनो हानांगोन।

## दिनैनि फानजायुधि

**राशि बाइदियै मुनि गिबि हांखो**  
मेष : अ ल बृष : ऊ ब (उ ए इ) मिथुन : क छ (ड ङ)  
कर्कट : ड ह सिंह : म ट कन्या : प ट (ण ष)  
तुला : त र बृश्चक : ब न धनु : ध भ (ङ फ)  
मकर : ख ज कुम्भ : ग श (स) मीन : द च (ख ज झ)

**मेष:** माखौबा आसा खालामनानै नेनानै थानानो हागौ। जेखि जाया सान्नायफोरा जाफुनो हागौ।

**बृष:** बायदिसिनानि जिंगा सिनांगौआ जोबनाय नख। गोजोनाय गैयैजों समखौ बारहोनांगोन।

**मिथुन:** देहाखौ सांग्राडै लाखिनांगोन। बेराम-आजार सिखांबायनो हागौ।

**कर्कट:** मावनाय-दानायाव सांग्राडै-मावनांगोन। देहाया गेरेबलानो हागौ। देहाया साबसनाय नख।

**सिंह:** सान्नाय-हनायफोरा फेलें थानो हागौ। गोसोआव गात्रि मोन्याय सोमजिनो हागौ।

**कन्या:** माबाफोर मोजों खामानि दंब्ला मावनाय लानो हागोन। सान्नाय थांखिया जाफुंगोन। गोथार सान।

**तुला:** जेखि फालांगि खालामा मानो मुलामफा खालामनो हागोन। सान्नायफ्रा जाफुंसारगोन।

**बृश्चक:** रावजोंबो जेना-जेंसि गैयै सुखियै थानो हागोन। फारफ्रोमआवबो मोजों।

**धनु:** माबा मोनसे जाथायखौ लानानै गोसोआव दुखु मोनो हागौ। गोसोखौ हगारसरनो नाख।


**मकर:** माखौबा लानानै सोरजोंबा रागा-रागि जालायफलांनो हागौ। धैय्य हमनानै थानाया मोजों।

**कुम्भ:** नख 'राव गोजोन गैयै सोमजिनो हागौ। सोरजोंबा दावराव-दावसि जाफलांबायनो हागौ।

**मीन:** सुथुर जालायनानै थानाया जोबसांनयनि लामायाव गोजोनै थानो हागोन। मोजों सान।

# गाहाय मन्थि नरेन्द्र मदिआ मन की बात 'नि गेजेरजों दै सैरखाथि होनांगौनि बाश्रा फोरमायदों

गोदान दिल्ली, 28 फेब्रुवारी: भारतनि गाहाय मन्थि नरेन्द्र मदिआ बोसोरनि नैथि मन की बात 'खौ हादतनि गासै नोगोरारिफोरनो थानाय रबिबारनि 11.00 रिगायाव फोरमायदों। बोसोरनि दानारि फोरमायथिनाय मन की बात 'नि 74 थि रेडिआ' प्रगामनि गेजेरजों फोसावगोननि सोमोन्दै थानाय शनिबार बारयखालिनो टुइटनि गेजेरजों गाहाय मन्थि मदिआ फोरमायथिखादों। फोसावनाय मन की बात 'नि फोरमायनायखौ गाहाय मन्थि मदिनि टुइटर हेन्डेल, फेसबुक पेस आरो मदि एपनि गेजेरजों हादतनि नोगोरारिफोर खोनासंनो हायो। जेराव बोसोरनि गासै दाननि जोबनाय रबिबारखालि गाहाय मन्थि मदिआ फोसावथाय खालामो। थानाय 15 फे



बुवारीखालि हादतनि गासै सुबुंफोरनिमिम गुबुन गुबुन आयदानि सोमोन्दै बोसोन खालामनो टुइटनि गेजेरजों फोरमायदोंमोन। जेराव थानाय जानुवारी दाननि फोसावनाय मन की बात 'नि गेजेरजों गाहाय मन्थि मदिआ हारिमु, दावबायनाय आरो आबाद

थुलुंगानाय फेखांगोन। हादतनि गासै नोगोरारिफोरनि बुजिनो हानाय बादियै टल ग्रि नम्बरनि सुबिदाखौबो बासिनो हानाय होदों। मिथिनो गोनादि, थानाय जानुवारी दाननि फोसावनाय मन की बात 'नि गेजेरजों गाहाय मन्थि मदिआ हादतआव करना भाइरासनि भेक्सिन थुनाय के मफाइननि सोमोन्दै फोरमायदोंमोन। बुंथिदोंमोनिदि, भारतआ मुलि आरो भेक्सिननि गेजेरजोंसो मुलुगाव हेफाजाब होनो हादों। बुंथिबावदोंदि, भारतआ जेसेबांनो गोखौ जाना फेसिनगोन एसेबांनो सुबुंफोरनि अन्सायनाय हाबा मावनो हानाय जाना फेगोन।

## सोनाब बंगआव ममता बेनार्जीआनो सरकार दाफिन्नो हागौ: अपेनियन पल

गोदान दिल्ली, 28 फेब्रुवारी: सोनाब बंग, आसामजों लोमोसे दरबा राइज्योफोराव जानो गोनां बिधान सभा बिसायख 'थिनि अक्टआ थि जाखांबाय। बेनि गेजेरजों राजखान्थियारि पाटिफोरा भट होग्राफोरखौ बुरखायनो नाजानायफोराव नांथाबनानै दइ। बेबादियाव एबिपि निउज आरो सार्भे एजेन्सि सि-भटारआ अपेनियन पलनि गेजेरजों भट होग्राफोरनि सुडखौ बुजिनो नाजादोंदि, सोर सोरखौ हेफाजाब होगोन। अपेनियन पलनि बादिब्ला, सोनाब बंगआव आरोबाव खेबसेयै ममता बेनार्जीनि सरकार दागोनखौ नुनो मोन्याय जादों। जुदि अपेनियन पलनि ह मदांनया थि जायोब्ला टिएमसिनि हेट्रिक जागोन। आधिखालाव बिजेपिनि दिन्थिनयखौबो जोबोद मोजों जानाय नुनो मोनगासिनो दइ। बेराफासै आसामाव कंग्रेसआ गोबां गोमोनांनो हागौ। सोनाब बंगआव ममता बेनार्जीनि पाटि टिएमसिआ सरकारखौ गासै 148 निफ्राय 164 मासिजों लोमोसे दानो हागौ। बेराफासै बिजेपिनि फासै 100 निखुइ



बांसिन मासि थानो हागौ। बे पलआव बिजेपिआ 92 निफ्राय 108 मासि मोनो हादों। बेराफासै पन्डेचेरिनि बाश्रा बुडोब्ला, बेयाव कंग्रेसआ सोमोनांनो हागौ। एबिपि निउज सि-भटारनि अपेनियन पलआव पन्डेचेरिआव भारतीय जनता पाटिनि सरकार दागोनखौ नुनो मोन्याय जादों। अपेनियन पलनि बादिब्ला, पन्डेचेरिआव बिजेपिनाव गं 8-12 आरो गुबुनआव गं 1-3 मासि थानो हागौ। केरेलाआव लेफ्ट फ्रन्ट पाटिआ देरहासाद जानो हागौ। अपेनियननि बादिब्ला, सिपिआइ (एम) खौ दैदेनग्रा एलडिएफआ फेगौ बिधान सभा बिसायख 'थियाव गं 91 मासि मोनो हागौ। बेयाव कंग्रेसनि दैदेन्या इडिएफआ गं 47 निफ्राय 55 मासिआवल'

निउयक, 28 फेब्रुवारी: म्यान्मारआव सुबुंत्त्रा सरकारखौ बोखरना होनानै सान्थिनि खुंथायखौ गनायथि होनायखौ मुलुगनाडै सावरायदों। इउ एनआव बे इनाय अनागार खालामनाय बाश्राखौ मोनथि हैयो जेब्ला इउ एनआव म्यान्मारनि थान्दैआनो सान्थि खुंथायखौ हेंथा होयो। बियो इउ एनआव सान्थि खुंथायनि हेंथायै गोख्रौडै बिजिरनो दाबि दैखांनानै सुबुंत्त्रा बेबस्थाखौ लाखिलांनो दाबि दैखांनो। म्यान्मारनि थान्दै कयाव म' तुनआ बुंदों गाव आंग सान सु कीनि सामलायनाय नेसनेल लीग फर डेमक्रेसिनि थान्दै। बिनि पाटिआ सुबुंत्त्रा नेमखान्थियै नोगोरारिफोरा सायख 'नायनि उनाव सान्थि खुंथायखौ फोजोबनो थाखाय सरकार बानायदोंमोन। बियो गामिसिबो हादतफोरनाव आर'ज गाबदोंमोनदि, सान्थि खुंथायनि हेंथायै आरो गनायथि होनायखौ नेवसिगारो। सान्थि खुंथायनि दैदेनगिरिफोरनि सिगाडाव बुडोदि सुबुंत्त्रनि बेसेनखौ सम्मान खालाम। म्यान्मारनि थान्दैनि बे बिबुंथि होनाया गामिसिबोनि नोजोरखौ बोनो

## बिजेपिनि फोसावदिनाय भेनखौ बुफायनाय केसआव कलकाता पुलिसआ नायबिजिरनानै सा 5 दायनिगिरिफोरखौ हमदों

कलकाता, 28 फेब्रुवारी: मिरुवारि बिसायख 'थि आयगनि फासैनिफ्राय सोनाब बंगजों लोमोसे दर 5 राइज्योफोराव कट अफ कन्डाक फोसावनायजों लोमोसे सोनाब बंग पुलिसआ एक्सनआव फेबाय। अदेबानि कलकाता पुलिसआ बिजेपिनि फोसावदिगा भेनखौ बुफायनाय केसआव सा 6 सुबुंफोरखौ हमबाय। बे सा 5 नि हेंथायै जामिन गैयै दायनि धाराफोरनि गेजेरजों केस थिसन्याय जाबाय। बेनि गेजेरजों बिजेपिआ दाय जाबसिन्दोंदि, टिएमसि हान्जाया काडापारायाव थानाय गुदामआव हाबनानै फोसावदि

खालामग्रा भेनखौ सिफायो आरो बेसेन गोसा मुवा-बेसादफोरखौ खावनानै लाडो। बिजेपिआ बे के सखौ बिसायख 'थि आयगनावबो अजद दैखांदोंमोन। बे जाथायनि उनाव बिजेपिनि दैदेनगिरि सामिक भत्ताचार्यआबो जाथाय जानाय जायगायाव खौरां लानो सौहैदोंमोन। सुलुनि बादिब्ला, बिसायख 'थि आयगआ 27 फेब्रुवारीआव सोनाब बंगजों लोमोसे दर 5 राइज्योफोरा बिधान सभा बिसायख 'थिनि अक्टखौ फोसावदोंमोन। सोनाब बंगनि गं 294 मासिफोरा 8 खोलोबआव बिसायख 'थि खुंजागोन।

## म्यान्मारनि सान्थि खुंथायखौ इउ एनआ गनायथि होयाखै



हादों आरो बिनि साहस दिन्थिनयखौ इउरिपियान इउनियननि थान्दै, इस्लामिक हेफाजाबगिरि फसंथान आरो आमेरिकानि थान्दै लिन्डा थामस ग्रीनफिल्डआ बाखायदों। आमेरिकानि थान्दै लिन्डाया बुंदों आमेरिकाआ म्यान्मारनि नोगोरारिफोरजों लोमोसे दंफायो, जाय लामाफोराव सान्थि खुंथायनि हेंथायै धर्ना होदों। गुबुन फारसेथिंजाय म्यान्मारआव नोगोरारिनि धर्ना होनायखौ दबथायनो थाखाय सान्थि खुंथाय गोखौंसिन खालामनायखौ जायगाजेदों। थानाय शनिबारयाव मनब्या शहरयाव पुलिसआ फायारि खालामनानै सासे आइजोखौ गुलि गावयो आरो माखासे

सुबुंफोरा जोखोम जायो। बेवहाय नोगोरारिफोरनि धर्ना होनाया इउ एनआव म्यान्मारनि थान्दैआ सान्थि खुंथायनि हेंथायै बिजिरनयनि बिबुंथि होनायनि उनाव बांदों। पुलिसआ धर्ना होनायफोरनि सायाव दै सारदों। इउ एनआव भारतनि थान्दै टि एस तिरुमुर्तिआ बुंदों म्यान्मारआव गामिसिबो हान्जानि गिबि मावग्रोनांगौ हाबाफारिया सुबुंत्त्रनि हाबाफारिखौ लाखिलांनय जानांगौ। ग्रेप्टार खालामनाय दैदेनगिरिफोरखौ रेहाय खालामनांगौ। बांग्लादेशआव थानाय रहिंग्याफोरखौबो म्यान्मारआव दैथाय हरफिन्नो नांगौ। भारतनि सिमाजों म्यान्मारनि सिमाजों नांजाबनाय।

## किसान क्रेडिट कार्ड खालामनाया गोरलैसिन जाबाय, 15 साननि गेजेरावनो सौफैगोन गासैबो फोरमानफोरा

गोदान दिल्ली, 28 फेब्रुवारी: आबादारिफोरनि मुलामफा बांहोनो आरो बिसोरनि गोसोखौ थुलुंगाखांहोनो मिरु सरकार माखासे यजना फोसावबोदों। किसान क्रेडिट कार्डनि गेजेरजों आबादारिफोर कम रेट आवनो आबादारि लन मोनगासिनो दं। सरकार हादतनि 1.82 कौटि आबादारिफोरनो दिनेसिम किसान क्रेडिट कार्ड जगायना लाबोबाय। आरोबाव हादतनि गोबां आबादारिफोरनो जगायना होनो फिन थांखि खालामगासिनो दं। फोसावनाय बे यजनानि गेजेरजों आबादारिफोरा 3 लाख रंसिमयाव आबाद लन मोनो हानायनि सुबिदा मोन्दों। रंखान्थि मन्थि निर्मला चितारामनआ टुइटनि गेजेरजों फोरमायनाय बादिब्ला,

आबादारिफोरनो सुबिदा होनाय जादों। बेनि गेजेरजों आबादारिफोरनो लन होनायनिफ्राय 7 जौखोन्दो रेट लन दान्नाय एबा लानाय जायोमोन। लोमोसे थि समाव लननि रां होग्रा आबादारिफोरनिफ्राय 4 जौखोन्दो इन्टरेस्ट लानाय जायोमोन। बेफोर सुबिदानि थाखाय मिरु सरकार किसान क्रेडिट कार्ड बिगोमाफोरनो फ्रि ए टि एम कार्ड होयो। किसान क्रेडिट कार्डजों 3 लाख लन रां बाहायगिरिफोरनो बोसोराव खेबनै सुट होनाय जायो। किसान क्रेडिट कार्ड बिगोमानो बेंकनि रेट बादियै इन्टरेस्ट जगायो। समनि सिगां लन होगिरि आबादारिफोरनो 3 जौखोन्दो लन होफिन्नांगौखौ खमायना होयो।

## अखांमायाव इसर'आ फिन जारिमिन सोरजिदों

बेंगलुरु, 28 फेब्रुवारी: इसरोआ फिन खनसेबाव जारिमिन सोरजिदों। इसरआ श्रीहरिकटा स्पेसपर्टनिफ्राय सतीश धवन अखांमा मिरुनिफ्राय अमनिया-1 आरो 18 था उफ्रा सेटेलाइटखौ लांग्रा पिएसएलबि-सि 51 खौ जाफुंसारनाय महरै लन्स खालामदों। इसरनि बादिब्ला सतीश धवन स्पेस सेन्टार एसएइवआर, श्रीहरिकटानिफ्राय पिएसएलबि-51, एमाजिनिया-1 मिशनखौ फुंनि 10.24 रिगायाव लन्स खालामदों। ब्राजिलनि एमाजिनिया-1 प्राइमरि सेटेलाइटजों लोमोसेनो पिएसएलबि-सि 51 निफ्राय 18 था सेटेलाइटखौ लन्स खालाबावनाय जागोन। बेयो पिएसएलबिनि 53 थि मिशन एमाजिनिया-1 जों लोमोसे



जाय 18 था सेटेलाइटखौ लन्स खालामनाय जादों, बेनि गेजेराव मोनब्रैया इसरनि इन्डियान नेसनेल स्पेस प्रमशम एन्ड अथराइजेशन सेन्टरनि आरो 14 थाआ एनएसआइएलनि एमेजिनिया-1 नि सोमोन्दै फोरमायनाय जादोंदि, बे सेटेलाइटआ एमेजन

ओन्सोलाव हाग्रा बारि दानसांनयखौ नोजोर होगोन आरो ब्राजिलनि ओन्सोलाव आबादखौ नायबिजिरनो थाखाय बाहायगिरिफोरनो अनजिमाखौ जगायना होगोन आरो आधिखालनि गुदि बिथाखौ गोखौ खालामनाय जागोन।

## सा-करियाखौ नागारनो थाखाय रुसनि थान्दै हान्जाया 34 घन्टा दावबायनांदों

मस्क', 28 फेब्रुवारी: करनानि जाहोनाव नर्थ करियानि सिमनाफोरा थानाय बोसोरनि जानुवारी दाननफ्रायनो सिल जादों। इन्टारनेसनेल एयार ट्रेभलजों लोगोसे लामायाबो बन्द जादों। तानाशाह किम जं उनआ रावखौबो सा करियाआव फैनो मोना होन्नानै बिथोन होदों। जुदि करनानि मोनसे केसआ हादरआव सौफैयोब्ला इनफेक्सनखौ होबथानो हानाय नडा होन्नानै बियो गिखांदों। बेबादि थासारिआव राजथान्दैआ रुसआ सौहैनो थाखाय सा करियानि जेना गोनां ट्रेनजों 32



घन्टा दावबायदों। बेनि उनाव 2 घन्टा बासजों दावबायदों। राजथान्दैनाव गोबां मुवा-बेसाद दडमोन। बेनि थाखायनो बियो रेल रड टूलीखौ लानानै

दावबायारिफोरखौ लानानै थानो बाहायनाय जायोमोन। सा करियाआव रुसनि थान्दैआ हेन्डकार्ट बोनायनि गांनै सावगारिफोरखौ ससेल मिडियाआव पस्ट खालामदों। बेजों लोगोसे लिरदोंदि, रुस थान्दैनि सा 8 मावसुमाफोर आरो बिनि नख'रनि सोद्रोमाफोरा हादरआव सौफैबाय। सा करियानि सिमनाफोर आरो हान्था-मेला खालामनाया थानाय 1 बोसोरनिफ्रायनो बन्द जानानै दं। बेनि थाखाय बियो न'आव थानो गोलाव लामाखौ दावबायनांदों।

## 10 बोसोरनि उन्दै गथ'आ रामायण सल'न्थायखौ लिरदों

भुबनेश्वर, 28 फेब्रुवारी: उरिष्यानि राजधावनी भुबनेश्वरआव 10 बोसोरनि सासे उन्दै गथ'आ मख'जाथाव हाबाफारिमावदों। 10 बोसोरनि गथ'आ लकडाउनआव टेलिभिजनआव रामायण सीरियालखौ नुनानै आबुडै रामायणखौ लिरदों। जायफोर बिनि सोमोन्दै मोनथिदों बिसोरो गथ'नि हाबाफारि मावफुनो हानायखौ गोमोदों। मख'नो गोनांदि, रामायण लिखा 10 बोसोरनि



गथ'नि मुडा आयुष कुमार खुन्टिया। आयुषआ उरिष्या रावआव पिलाका रामायणखौ लिरदों। पिलाका रामायणआव गासै 104 पेज दडा। पिलाका रामायणखौ गथ'फोरनि

बिबथैआ गावखौ रामायण सीरियालखौ नायनो थिन्दोंमोन। बिबथैआ गावखौ रामायणनि एपिसडखौ नायनायनि उनाव बेनि सायाव माबा मोनसे लिरनोबो थिन्दोंमोन। आयुषआ बुंबावदों गाव टीभिआव रामायणनि गासिबो एपिसडखौ नायदों आरो मोनसे-मोनसे एपिसडखौ उरिष्या उडिया रावजों गावनि नटबुकआव लिरदों। गावो पिलाका रामायणखौ आबुं खालामनायव 2 दाननि समनांदों। महाकाब्य पिलाका रामायण लिखनाय 10 बोसोरनि गथ' आयुषआ फोरमायबावदों गावनि बिजाबआव माखासे मख'जाथाव जाथायफोरनि सोमोन्दैबो लिरदों जैरे-भगवान रामनि 14 बोसोरनि थाखाय न'खौ नागारनानै थानाय आरो पन्चबटी बननिफ्राय बिमा सीताखौ खावनानै लानाय। गाव आयध्याआव भगवान रामनि फैफिन्नायाव बिखौ बरायनायनि सोमोन्दैबो लिरदों।

## रड सेफिट वर्ल्ड सेरिजनि थाखाय भारतनि हान्जायाव गेलेगिरिफोरखौ सायख'दों



गोदान दिल्ली, 28 फेब्रुवारी: रड सेफिट वर्ल्ड सेरिजनि थाखाय भारतनिफ्रायबो बाहागो लागोन। बे सिरिजनि थाखाय भारतनि माखासे सेनियर गेलेगिरिफोरखौ हान्जायाव सायख'नाय जादों। मिथिनाय बायदिब्ला थानाय बावैसो साननि सिगां मुलुगनां क्रिकेट गेलेनायनिफ्राय आजिर लानाय भारतनि सानै बारग' गेलेगिरि इस्फुफ पाटान आरो बलार बिनय कु मारखौ बे हान्जायाव सायख'नाय जादों। छत्तिसगड्डीन रायपुराव फेगौ मार्च दाननिफ्राय जागायजेन्नो गोनां रड सेफिट वर्ल्ड क्रिकेट सिरिजनि थाखाय भारतनि इन्डिया लिजेन्डस

हान्जायाव गोबां गोखों गेलेगिरिफोरखौ जायगा होनाय जादों। बे सिरिजनि थाखाय बाहागो लानो गोनां भारतनि इन्डिया लिजेन्डस हान्जाखौ केप्टेन महैर मास्टर ब्लास्टर चसिन तेन्दुलकारआ दैदेनगोन। हान्जायाव सायख'जानाय बिन्द सेबागआ अपेनार बेट्समेन महैर गेलेनायखौ जागाय जेनगोन। बेनि अनगायैबो बारग' क्रिकेटार युबराजसिं आरो महम्मद कैपमोनहाबो हान्जायाव सायख' जादों। लोगोसेनो जाफुंसारनाय बलार जाहिरखान, अजित आगोरकार आरो सन्जय बांगटआबो बे हान्जायाव सायख'जादों। हान्जायाव

सायख' जाबावनाय गुबुन माखासे गेलेगिरिफोरनि मुडा फारियै प्रगियान अजा, नयन डेबिड, मुन्ना पाटेल, मनप्रित गनि, इस्पान पाटान, नमन अजा, एस बाद्रिनाथ मोनहानो गाहाय। थानाय सिजननि रड सेफिट वर्ल्ड सेरिज क्रिकेट बादायलायनाया पुनेआव जागाय जेन्दोंमोन। नाथाय गेलेनाया सोलिबाय थानायनि गेजेरावो कभिड-19 नि गोहोम गोरलैनाया गिथावनासिन महर मोन्नायाव बे सिरिजनि गेलेनायखौ मोनब्रै मेच गेलेखानायनि उनाव दोन्थयो। थानाय सिजननि रड सेफिट वर्ल्ड क्रिकेट सिरिजआव मोनबा क्रिकेट हान्जाया बाहागो लारदोंमोन। नाथाय बे सिजननि बादायलायनायाव मुलुगनि मोन 6 हान्जाफोर बाहागो लागोन। बे सिरिजआव अस्ट्रेलिया हान्जाया माखासे जेनानि जाहोनाव बाहागो लानाय नडा। फारसेथिं श्रीलंका लिजेन्डस हान्जाखौ गिबि खेब सिरिजआव थिसनाय जादों। बे सिरिजआवो इलेन्ड लिजेन्डस हान्जाया बाहागो लागोन होन्नानै मोनसे सुलुड मिबथि होदों।

## भारतआव सानब्रैनाडै लान्थियै 16 रोजानिबो बांसिन सुबुनि देहायाव करनानि गोहोम फेदों

गोदान दिल्ली, 28 फेब्रुवारी: भारतआव करनानि गोहोमआ साननि उनाव सान बारायखानायखौ नुनो मोन्दों। लान्थियै ब्रैथि सानाव भारतआव 16 रोजानिबो बांसिन सुबुनि देहायाव गोहोम गोरलैदों। मिरु सावसि बिफाननि बादिब्ला, थानाय रबिबार 28 फेब्रुवारीखालि 24 घन्टानि गेजेराव भारतआव 95,723 सेम्पलनि सायाव टेस्ट खालामनाय जादोंमोन। लोगोसे गासै सा 11,718 सुबुंफोरखौ भाइरासनिफ्राय रैखाथि होनो हादों। बेराफासै भेक्सिन थुनाय आरो टेस्ट नायनाय हारखौ हादरआव बारायदोंब्लाबो 24 घन्टानि गेजेरावो 16,757 सुबुनि देहायाव भाइरासनि गोहोम गोरलैदों आरो साननि गेजेरावो सा 113 सुबुंफोरनि जिउ गोमोदों। मिरु देहा बिफाननि बादिब्ला, दिनेसिमाव भारतनि गेजेराव 1 कौटि 10 लाख 96 रोजानिबो बांसिन सुबुनि देहायाव भाइरासनि गोहोम गोरलैदों। जायनि



## इउक्रे नआव सोलिबाय थानाय रेस्टलिं बादायलाय-नायाव बिनेश पागटआ फाइनालसिम सौहैबाय

गोदान दिल्ली, 28 फेब्रुवारी: कभिड-19 नि गोसारनाय समाव गुबुन हादतनि हायाव दासान्दि सोलिबाय थानाय रेस्टलिं बादायलायनायाव भारतनि गेलेगिरिआ जाफुंसारदों। इउक्रेनि राजथावनि किभआव दासान्दि सोलिबाय थानाय 24 थि आउट स्टेन्डिं रेस्टलिं बादायलायनायाव भारतनि गोहो गोर रेस्टलार बिनेश पागटआ फाइनालआव सौहैनो हादों। शनिबारखालि 53 केजिनि गेलेनाय इभेन्टआव पागटआ रमानियानि गेलेगिरि एनाखौ गासै 2-0 मेच पइन्टआव फेजेनो हायो। बोसोरेसनि उनाव गेलेनायखौ लाबोफिन्नायनि गेजेरावो बिनेश पागटआ



रेस्टलिं देहानो हानायनि उनाव 2 थि राउन्डनि गेलेनाय मेचखौबो देरहानो हायो। बादायलायनायनि फाइनाल राउन्डनि मेचखौ बिनेश पागटआ 2017 नि वर्ल्ड सेम्पियन

जानाय बेलारुसनि गेलेगिरि भेनेशनि हेंथायै मोगा-मोगि गेलेगोन। बेनि सिगां बिनेश पागटआ 16 थि राउन्डआव गुबुन हादतनि गेलेगिरि लुलिया आरो क्वार्टर फाइनालाव के टिसयारिनाखौ फेजेन्नो हादोंमोन। गावनि गेलेनायखौ गोखोडै लाबोबाय थानो हानायनि गेजेरजों बिनेश पागटआ गेलेमुनि देरसिन बादायलायनाय टकिय अलिम्पिक गेम्सनि थाखाय क्वालिफाइ जानो हाबाय। थानाय 2020 माइथायनिफ्रायनो इउरपआव फोरेंथाय लागसिनो दड बिनेश पागटआ।

## सुंद'सल' सुमिरन

# आंनो नॉनि अन्नाय नांगौ

: आँवै बि जोंहानि लजिडव थाफैनाय गुफुर गन्थ थेंफार, बिखा गुवार, आदें मद'द' नायनो मोजां, अन्थाव बाथाव दद्र' दद्र' थाप्रा सेंग्राया बबेनि। बिखौ आंनो नांगौ आयै, बाइ हुक अर बाइ क्लुक, जैरैरि जाया। बिखौ मोनाब्ला आं फासि नांना दैयाव, नडाब्ला रेल गारियाव बारसोमना थैगोन आं। बुंन मामि बि सेंग्राया बबेनि मा मुं प्लिज।  
: बियो नोम्फानि बिब'नि फिसाज्लासो, नों बिखौ बिदासो जागोन असे। बिब्दि सनथाव सान्नो हामा आय, जों नोंखौ मोजां बिजामादें नायनानै दोलै नोगैरै हाबा खालामना हरगोन। नडाब्ला नयावनो गोरजिया लाखिना दोनगोन रानि बायदि। मानोना नॉनो जॉनि थानाय थैनायनि मोनसेल' राहा बिजों। नों एइस एस साइन्स पास खालामनानै डाक्टर फरायनांगोन, मेडिकेल अफिसार जानांगोन। जॉनि जॉथि मिजिंखौ नों सुफुनांगोन,मानोना नों जॉनि न'खरनि वाथनाम स'ना फिथर जायहा अर बारहुंखा लोगो मोनब्लाबो जोबो जाया।  
: दानिफ्रायनो दिदोम गोसो, मोनसे थांखि लानानै फरायलां, नडाब्ला इयुनाव फस्थाय नांगोन नों फिसा। बि केयारफुल। मानोना फरायनानै मोजां मानसि जानो हायाब्ला दानि मुगायाव जेबो मुलाम्फा गैया। बे मुगाया कम्प्युटर, रकेट, इन्टारनेट मेदियानि बाहायलु मुगा। बे मुगाया सिलाय बारुद थैजों दुगैनायनि सम नडा, बे मुगाया बादायनायनि मुगा। मेलेम, खोलोम बाहायनानै थांखियाव सौहैनायसो। बेसे जॉनि थांखि जानांगौ।  
: बेथ' बे मामि, हु इस हि? बियो सोर मा मुं? आंनो बिनि अन्नाय नांगौ। आयै आं बे

सेंग्राखौ मोजां मोननायाव मानो हेंथा होयो। बेथ' आंनि असे बिमानि गोरबोयाव उजिनाय बिदा नडा ना, आफानि बिब'निसो फिसाज्ला। मिसरनि रानि क्लिउपेट्रायानोबा गावनि असे बिदा फेबाय मोनखौ हाबा खालामदोंमोन, दावहायाव सासे थैनायनि उनाव सासे जौलै फेदेरनो बेलाय मा आयै आरो गुलि। आंनि बादिब्ला गेदेर गेदेर फरायनाय साखि आवला, प्रफेसार डाक्टर नायनो मोजां सेंग्राखौ हायोब्ला न'नि एबा बाहागि खुरमानि आयजोआनो हाबा लाजोब नांगौ। सेंग्राफोरबो मानोथो मालायनि फिसाजोफोरखौ रानि खालामना सुखुयाव जाहो गारनो?  
: आयै नों मिनथिया नामा: ए मेरिएज उइडाउट लाभ इस मिनिंलेस। बिके आरो आव' जनती खन्नाय नैबे मेथायखौ।  
मोजां मोन्नायनि फंसे राव, गोसो थोनायनि फंसे फाव फोरमायगौमोन आं स'ना। सानबाय थायो लोगो हमनो अराय समाव.....  
नॉनि आंनि जिउ राजा, नॉनो आंनि जिउ रानि।।  
: बैथालि जानाड, मेथायखौ खन्दों नों? नोम्फा खोना फेब्ला बिगुरसो जिगोन नों। हामगौ बिदा असेखौ बिब्दि सान्नो? मानसिफोरा खोनाब्ला मा सानगोन। सि सि जॉनि फिसाया एसे नेहाद सान्नो हायो। नोम्फाया कलेजनि प्रफेसार आं हाइस्कूलनि मिसट्रेस, जॉनि मान इज्जदखौ नों जाजोबसिगोन फिसा।  
: ममी नों जिखि साना आंनो बि सेंग्राखौ

नांगौ, आंनो रायलाय नांगौ। प्रमिज ममी, आं बि सेंग्राखौ मोनाब्ला थैगोन। बिमाखौ गोबाखबनानै गाबो, अन्थाव-बाथाव। बिमाया रागाजों बुजायब्लाबो मानियैनि सोबायो फंथासो।  
गाबनानै जिमिया गावनि बिसिनायाव ग्राम गोरलैनानै गान्दुखौ गोबानानै रुखु रुखु गाबो। जायखौ बुडे सेंग्रा सिख्लानि गोसो थोलायनाय। खान्थाल आथा बायदि बोखा जायै। जायजों नांबाथाय नांबाय रिफिदसै। सलेसन आथा बायदि। दिनेसिम 16 बोसोरनि ददेरे बैसोसिम बियो रावबो सेंग्रा नि अन्नायाव बोदोर जायाखैमोन। कृप्टन मिसनआव फरायनानै दिनेसिम मेट्रिकखौ बियो गिबि थाखोयाव उथिनानै कलेज फरायलायबाय। नाथाय हरखाव बियो बिहुंखौ नुनाय लोगो लोगोनो बिनि आजोलि गोसोया अन्नाय साफिबाय, लाभ ग्रज जाबाय। जायखौ बुडे लाभ इन फास्व साइड। बिनो गासै गोसोखौ होफलांबाय। बे गोसोखौ सोरनोबा होफलांबा, बौरैबा गोरुब लायोब्ला बेखौ बोखाना लाफिनो गोब्राव जायो। बेयो सैथो दि जैरे औवा मेवाइआ गुदु थाया, सेंग्रा सिख्लानि जेबो सोमेन्दोनि गद गैया। सेंग्रा सिख्ला खाथि खाथि थालायबाय थायोब्ला, अन्लायोब्ला सोमोन्दोखौ बावनानै, बावगारनानै गोसो होफलांलायो। बिब्दिनो बाहागि खुरमा, आंगोथिजों जुलि जानाय गोबां बिदिन्थि दडा। जिमियाबो गावनि गोसोखौ आंगो बिफा फोलेरारी बिदानोनो अन्नाय होफलांबाय, होबाय। गोसो मोदोम गासैबो खोथाखौ बिमाया बिफानो खिन्था जोबबाय बे सपताहसोनि गेजेराव फिसाजो जिमिया न'आव फेनानै मा जाफैखो? अब्लाबो बिफाया ( 5 बिलाइआव)

## रनाल्ड'नि गल होनाय हेफाजाबजोंबो जुभेन्टासआ मेचखौ ड्र गेलेदों



इटालि, 28 फेब्रुवारी: मुलुगनि गेजेराव इटालि हादतनि गुबुन मोनसे देरसिन क्लाब थाखोनि फुटबल बादायलायनाय सिरि ए लीगनि गेलेनाया दासान्दि हान्जाफोरनि गेजेराव मोगा-मोगि सोलिगासिनो। सिरि एनि थानाय हरनि समाव गेलेनाय गुबुन मोनसे गोनां मेचखौ जुभेन्टास आरो हेलास भेरना क्लाबनि गेजेराव 1-1 गलजों ड्र जायो। मख'नो गोनांदि, सोलिफु सिजननि सिरि ए लीगआव जुभेन्टास क्लाबआ फारियै मोन 10 मेच देरहानायखौ लाबोबाय थानो हानायनि गेजेरावो थानाय गेलेनाय मेचआव जुभेन्टासनि देरहानो थांखि लानायखौ फेलें खालामनो हायो भेरना क्लाबआ। गेलेनायनि

सिगां समनि गिबि हाफ टाइमनि जोबथा 49 मिनिटआव क्रिस्टियान' रनाल्ड'आ सिगां गलखौ जोसन्नो हानानै जुभेन्टास क्लाबआ 1-0 गलजों आवगायनो हायो। बेनि उनाव 2 थि हाफ टाइमनि गेलेनाया फिन जागायजेफिन्नायजों मोनैबो हान्जानि गेजेराव गोखौ जायो। भेरना क्लाबआ गलखौ होफिन्नो नाजाथावनायजों 77 मिनिटआव गलखौ होनो हायो। गेलेगिरि ए बरेकआ खबु मोन्नायाव गलखौ जोसन्नो हादोंमोन। 1-1 गल जानायजों मोनैबो हान्जानि गेजेराव गेलेनाया गोखोंसिन जायोमोनब्लाबो दान्दिसे समनि गेजेरावो मेचनि समा जोबथानायजों ड्र जायो। मेचखौ ड्र गेलेनानै जुभेन्टास क्लाबआ

पइन्ट फारिलाइआव 46 पइन्टजों 3 थि सारिआव जायगा लायो। बेनि सिगां सारिआव इन्टार मिलन, एस मिलन क्लाबआ सेथि आरो नैथि जायगाखौ आवग्रिनानै दं। गुबुन फारसेथिं बे मेचआव ड्र गेलेनाय भेरना क्लाबआ 35 पइन्टजों 9 थि सारिआवसो जायगा लानानै दं। अदेबानि बे सिजननि सिरि एखौ भेरना क्लाबआ देरहानायनि फारसे गोब्राव जानायखौ नुहरदों। सिरि एनि गुबुन मोनसेबाव गेलेनाय मेचखौ लाजिय क्लाबआ 4-1 गलनि फारागथिआव देरहानो हादों। बेनि सिगां लाजिय क्लाबआ सेम्पियन लीगआव जेनायखौ लानानै गेलेनायखौ बे मेसआव गोखों खालामनो हादों।

## हराव बारग्रा बिबार मुनफ्लावारआ सान ओंखारनायनि उनावनो रानलांफिनो

गोदान दिल्ली, 28 फेब्रुवारी: ब्रिटेनआव गिबि खेब आगोमा मुनफ्लावार बारदों। बेखौ अमेजनियन बोक्टस बुडो। हराव बारनायनि जाहोनाव बेखौ मुनफ्लावारनि मुडैबो मोनथिनो मोन्नाय जायो। केम्ब्रिज इडनिभासिंटियाव बटेनिक गार्डेननि एक्सपार्टआ बे बिबार बारनायनि हाबाफारिखौ रिकर्ड खालामदों। एक्सपार्टआ बिबार बारनायनि लाइभ स्ट्रीमिं खालामदों। जाय सान हाबनायनिफ्राय लानानै सान ओंखारजासिम 12 घन्टा सोलिटदों। केम्ब्रिज इडनिभासिंटियन एक्सपार्टआ बुंदों बे बिफानि बिगियाननि मुड सेलेनिसेस ब्रिट्टी। बेयो सान हाबनायनि उनावसो बारो आरौ सान ओंखारजासिम



बारनानै थाबाय थायो। बे बिबारआ बारब्ला आलादा रोखोमै मोनामो। बे बिबारनि मोदोमनाया नै घन्टासिम थायो।

मानोना बिबार बासनाया 2 घन्टा जानायनि उनावनो बे बिबारा रानलाडो। बे बिबारखौ एमेजनियन रेन परस्टेआव मोन्नाय जायो। मुनफ्लावारआ बिथनि गेजेरजों बारबोयो। मुलुगनाडै 13 था बटेनिक गार्डेनयावल' बे बिबारखौ मोन्नाय जायो।

## डजिड' बोसोरनि उनाव ब्रिटेनआव बिदुड लाथिख' नैजिथाम डिग्रीसिम दावख्लायदों



लन्डन, 28 फेब्रुवारी: सरासन्सा महरै जानुवारी-फेब्रुवारी दानाव ब्रिटेननि बिदुड 9-10 डिग्री जायो। नाथाय बे बोसोराव गुसु बोथोरया थानाय 66 बोसोरनि रिकर्डखौ

सिफायदों। 27 फेब्रुवारीनि हराव बेवहाय गोबां गुसु जादों। बिदुंखौ माइनास 23 डिग्री रेकर्ड खालामनाय जादों। बोथोर बिफाननि बादिब्ला से खावसे दानयाव 18 फुट बरफआ

गोग्लैखांबाय। बेबादियाव साइबेरियानिफ्राय 1 घन्टयाव 90 कि:मि: गोजान बारहावा बारनाया गुसु बोथोरखौ बांहोदों। बिदुड दावख्लायबाय थानायनि जाहोनाव 60 बोसोराव गिबि

खेब टेम्स दैमाया लाथा खादों। फैनो गोनां 3 सानफोराव ब्रिटेनआ गोबां गुसु जागोन। मानोना बरफजों गोग्लैनायजों लोगोसे बिदुडबाबो दावख्लायगोन। स्कटलेन्ड आरौ इलेन्डआव गोबां अखा हागोननि सांग्रांथि होदों। गोबां बरफ गोग्लैबाय थानायनि जाहोनाव सुबुंफोरनि जिउ खुनाया जेना गोनां जादों। 700 निफ्राय बांसिन लामाफोरा बन्द जादों। मोब्लिब गोहो जगायना होनायाबो जेनायाव गोग्लैदों। मख'नो गोनांदि, ब्रिटेनआव बेनि सिगां 23 फेब्रुवारी 1955 याव माइनास 20 डिग्री बिदुंखौ रिकर्ड खालामनाय जादोंमोन। ब्रिटेनआव करनानि खेफोदआ बांसिन जादों। हादतआव माखासे भेक्सिन थुनायनि सेन्टर बानायनानै भेक्सिन थुनाय जादों। नाथाय बरफ गोग्लैनायनि गोहोमा बेनि सायाव गोग्लैदों। बरफ गोग्लैबाय थानायनि जाहोनाव गं 10 निफ्राय बांसिन सेन्टरा बन्द जादों।

## अस्ट्रेलियानि बारक बोरमा मेन्दाया खोमोनजों जेनायाव

गोदान दिल्ली, 28 फेब्रुवारी: अस्ट्रेलियानि मासे बोरमा मेन्दानि मुड बारक। बारकनि देहायाव गोबां खोमोन दं, जायनि जाहोनाव थाबायनो हायाखै। बे बोरमा मेन्दानाव गोबां खोमोन थानायनि जाहोनाव बेनि देहानि लिस्थयाया मासे कें गारुनि खावसे लिस्थयनि समान जादों। बेनि थाखायनो बे बोरमा मेन्दाखौ हमनानै बेनि खोमोनखौ हासनाय जादों। गिबियाव बारक बोरमा मेन्दाया अस्ट्रेलियाआव लान्सफिल्डनि खाथियाव एडगर मिशन फार्म सेंक्चुरीयाव थायोमोन। बेवहाय बोरमाखौ जोथोन लानाय जायामोन। मोनसे थि समाय सिमानि उनाव बोरमा मेन्दानि देहानिफ्राय खोमोनखौ हानाय जायामोन। जायनि दोहोनाव बोरमा मेन्दानि देहायाव 35.4



कि:ग्रा: लिस्थयायसिम खोमोनया बांदों। एडगर मिशन फार्म सेंक्चुरीनि सासे मावसुमाया फोरमायदोंदि, बारक बोरमा मेन्दानि देहानिफ्राय खोमोनखौ हानाय

जाबाय। बे बोरमा मेन्दानि देहानि हाखनाय खोमोनआ 45.4 कि.ग्रा:। थानाय 5 बोसोरनिफ्रायनो बोरमा मेन्दानि देहायाव खोमोनआ बांलांबाय थादोंमोन। मख'नो

गोनांदि, बोरमा मेन्दानि खोमोनखौ बोसोरआव खनसे हानाय जायो। देहायाव खोमोनआ गोबां बांन्ला बोरमा मेन्दाया थाबायनो हायै जायो।

## रंजालि गथ' फोरनि सौरा

### जखायसे लिमारिक

(1)  
Hollo जारौ दिनै मानि लाजि गुसु गोसो नौनि मानोथो उसु खुथु ख'था सिडवजिरायना हारसिं दुखुआ मानि! दाहाया सोरनि

(2)  
नै आदा बर थिखादार गस्ता जेब बुंहाबजासे बेसे मोनजाखो? मा सोना लाखो थ'पलासे खामानिखौलाइ बबे मोनसेखौ आबुं मावखो जौ बेदेर जानायलाइ मानोथो उदैं गोरखो मोनबो

(3)  
गोसोआ लुबैब्लाबो खोनाला माथो अनजालि नौनि राव कलेजाव थालाइ फैलाइ आरौ सक बाजारव गोसोआ आंनि रिखाडो दाबो नौनि गारबोनाय बै गाथोननि गोगो गोथार देंखो

(4)  
आथिखाल मुगानिलाइ बर' सिख्ला सग बाजार थानायालाय सानफा खनफा हारसा सेंग्राफोर नुबालाय मिनि बाला बाला साना हवा गासन फ्लांबाय हाखा दावरा ॥

रन्जित दैमारी  
के.सि. कलेज, (हनुवा)  
जिला-बागसा बि टि आर

### सिलिंखार

सिलिंखार सिलिंखार खालामबाय नौ आंनि सुदेम देराखौ सिलिंखार। मानो? मानो खालामखो नौ आंनि संसारखौ सिलिंखार। गैयामोन नामा आंहा मिजिं हाबिला? गैयामोन नामा आंहा गोजोन हास्थायनाय? मानो खालामखो नौ सिलिंखार दडमोन आंहा गोथार मिजिं। दडमोन आंहा गोदैं सिमां नाथाय दिनै सिलिंखार। लुबैनाय गोसोनि मन्दिराव सोनानै दोन्दोंमोन आं सनानि फानजारियाव मासे दाव मैना नाथाय जावलिआ बारहुंखाया सिमब्रे लांबाय गोसोनि मन्दिरखौ बाइफलेलांबाय थेर-बेथेर सनानि फानजारिनिफ्राय बिरग'लांबाय दाउ मैनाया। जावलिआ बारा खालामबाय आंखौ सिलिंखार। गैलिया आंहा गोजोन संसार गैलिया आंहा गोजोन संसार गैलिया आंहा गोजोन मन्दिर। गैजाला आंहा गोसो सोलेरनि धोहोन। दुखु-दाहानि मोदैंनि लैथोआव गब' नांबाय आं सिलिंखार सिलिंखार आंहा।

### बिबार

बिबार बिबार मानो बारो नौ बिबार? फैयो नौ मानो सानसे साननैनिज जिउ लानानै फैलाव मिथिंगा बिखायाव? दड नामा सानसे साननैनिज जिउ? नंगौ नौ इसोरजों थिनहर जानाय बे फैलाव मिथिंगा बिखायाव। सम आरौ बोथोरजों गोरबोनानै फैयो आरौ थाडो नौ बे मिथिंगा बिखानिफ्राय..... समायना रमायना बायदि हायना महरनि बिबारफोरा..... गेवलां गेवलां बारदों। हायना महरनि नौ मोदोमफु बिबार नौनि हायना महराव बेरे सिखिरि-फोरा बिदे सोबनो बिरबाय-बिरबाय नायगिर बायो नौ बिबार? आय' बिबार नौ मानो मोजोमसेल'। नौनि हायना महरखौ नुफा-माफा बे फैलाव मिथिंगा बिखायाव। साया-माया दान्दिसेल' ॥ सम जानाय लोगो-लोगो गोमा लांफिन जोबो मानो नौ बिबार? अ बिबार नौ मा एसे समायना-रमायना! नौनि महरा सुबुंनि गोसो गोबों आव गोजोन होयो। समायना-रमायना बायदि गोमो गोथां गाब गोनां नौनि महरा लासै नौ गोबायो अनसुली बुहुम बिखाखौ गावनि बोथोराव गाव..... सम आरौ बोथोरजों गोरबोनानै।

रिनदाव बसुमतारि  
ला:सो:- सिम्बार गाव  
जिला-कक्राझार बि टि आर

### बावनो हालिया आं नौंखौ

बावनो हालिया आं नौंखौ आय' मा बायदि मुहनि गोनां गावदां महरा बे नौनि सानसुलि! नाथाय खनसेनि बारा जायाखै नुज्जालायनाया दाबोनो नौंजों, नौंजों खुगा रुजु-रुमु रायज्जालायनो मोन्नाया गौरां दैसा सेराव खनसेल' अब्लाबो नौनि हायना सारफावनाय महराव थाबाय हाबनानै आंनि बिखायाव। मानोना गोसो जाखादोंमोन आंबो रायथिना लानो नौंखौ गिबि नुजेन्नायावनो, नाथाय फोरमाय ग्रादोंमोन नौनो आंखौ गोसो थोयो होनानै, मोन्दोंमोन गोसोखौ आं अब्ला खुसिजों मोथो-मोथो बै सानखालि नौनि गोदैं रावखौ खोनानानै। खोनानो मोन्दों नाथाय दा जिउनि लोगो दंखायो होना नौंखौ। फोथाया सानसुलि आं अब्लाबो खोनानाय बै नंखाय रावफोरखौ। नौनि महरा फैयो आंनि एल्बामाव बर' हारिनि दख'ना जोमग्रा गानानै, स'ना-रुफा गानफब-जोमफबै अरायबो राजखुंग्रि महरै। मालाया जेखि बुड मानो बाउनो हालिया आं नौंखौ, नेनानै दड आं नौंखौ बिबारनि माला लानानै आंनि लांगोनायाव।

राजा ब्रह्म  
गायि:- रमानफारा  
ला:सो:- खारगाँव  
जिल्ला:- कक्राझार, बि.टि.आर

### जोहोलाव

हे आं जोहोलाव हादरनि आरौ हारिनि सुजुनानै गोजौनि सिमां मावनो लादोंमोन नौंसोरनो गावगा होनो मोकथांआव समनि फाकनि गोलावआव मेगन गोसा सुथुरफ्रा गोमा लांहाबाय जोहोलावफोरखौ गोमा लांबाय साफा-साफा हाथियारजों जोंबो बाउआखै हे जोहोलाव नौंसोरनि सुजुनायखौ लाबोनो थाखाय आर'ज गावबाय जों नाजानो जों दावहाथिलिआव हाथियारजों हे जोहोलाव गोहो बोलो हरदो खुलुमबाय जों।

मेहेर बसुमतारि  
गायि- सोमदोनपुरी  
जिला-कक्राझार

(□ 1 बिलाइनिफ्राय)

## गाहाय मन्थ्रि मदिआ मन की बात हाबाफारियाव फरायसाफोरनो थुलुंगाखां बोसोन होदों

फारसेबो गोनांथि होनानै हादतनाडै गोग्गो लोंग्रा दै जगायथिनानै होनायनि बाश्रा बुझे। बिथाड मागी पुर्निमानि समाव हादतनि साफ्रोमबो नोगोरारिफोरनिमिस गावनि गोसो गोबॉनिफ्राय गाहाम हामलायथि जासियो। बिथाड बुझेदि, मुलुगनि गासै समाजयावनो दैमाजों सोमोन्दो थानाय गुबुन गुबुन रोखोमनि माखासे नेमखाथि आरो आसारखाथि थायो। दैमानिफ्रायनो गोबां रोखोमनि दिहुन्थाया जायो। भारतआव एरैबायदिबो माखासे फोबों एबा दिन दं। जाय फोबों एबा दिनफोर दै एबा दैमाफोरजों लोब्बा गैयाजासे खुंजाया। बेनिखायनो दै एबा दैमाया सुबुं माहारिनि जिउनि थाखाय मोनसे एंगारहायै मुवा। बेनिखायनो जों साफ्रोमबो नोगोरारिफोरनो दै रेखाथि थामहिनबा, लैथो, दैमा, दैसा गासै रोखोमनि दै मुवाखौनो गोग्गोयै आरो गोथारै लाखिनांगौनि गोनांथि दं। दै फुंखा मन्थ्रि आफादआ थाबैनो केसदिरेन केम्पेनखौ जागायनो थाखाय साखा-फारा जागासिनो होन्नानैबो गाहाय मन्थ्रि नरेन्द्र मदिआ मन की बात हाबाफारिनि गेजेरजों फोरमायथिबावो। मख'नाय जायोदि, सोलिफु बोसोर 2021 आव बेयो गाहाय मन्थ्रि नरेन्द्र मदिनि नैथि खेब मन की बातनि गेजेरजों बिबुंथि लाखिनाय। बेनि सिगां थांनाय 15 फेब्रुवारीखालि गाहाय मन्थ्रि मदिआ मन की बातनि गेजेरजों हादतनि नोगोरारिफोरखौ हरिसुवारी, धोरोडरि आरो दावबायारि सेक्टरआव गावबा-गावनि थुलुंगाखां सल'फोरखौ बाहागो खालामनो थाखाय खावलायदोंमोन।□

## दिसपुराव सरकार दानायाव बाहागो लागोन इउ पि पि एल दोलोआः उकिल मुसाहारि

इउ डि एफनिफ्राय दखल खालामनायनि थांखिजों दासान्दि बायदि बायदि रोखोमनि रोन खौसल बाहायगासिनो थादों गुबुन गुबुन राजखाथि दोलोफोरा। मख'नो गोनांदि, दिनें भवानिपुर बियाबनि सिडव थानाय सालबारि बियाबयाव इउ पि पि एल दोलोन गोबां बिबांनि दैदेनगिरि, सोद्रोमा, मावथि आरो मददगिरिफोरजों लोगोसे बि टि आरनि मावफुं सोद्रोमा उकिल मुसाहारिआ दोलोन मोनसे मेलयाव बाहागो लादों। मावफुं सोद्रोमा उकिल मुसाहारिआ भवानिपुर बियाबजों लोगोसे सालबारि जिल्ला आफाद, भाबानिपुर ब्लक इउ पि पि एल, सालबारि ब्लक आरो दोलोन गुबुन गुबुन थाखोनि दैदेनगिरि, सोद्रोमा आरो मावथिफोरखौ लानानै फेबाय थानाय बिधान सभा बिसायख'थिनि सायाव साखा-फारा जानायनि फारसे सावरयलायो। सालबारि इउ पि पि एल आफादनि मावखुलिथाय खुंनाय दोलोन मावखुलिथाय खुंनाय आरो सालबारि जिल्ला आफाद इउ पि पि एलनि आफादगिरि जगेश्वर बसुमतारिनि मासि सामलायनानै दैदेनाय दिनेंनि बे मेलयाव गावनि बिबुंथि लाखिनाय समाव बिधान सभा बिसायख'थिनि थाखाय साखा-फारा जानो आरो गोखोडे खामानि मावनो थाखाय जिल्ला आफादनि दैदेनगिरि आरो बिबानगिरिफोरखौ गोखोडे बिथोन होयो मावफुं सोद्रोमा उकिल मुसाहारिआ। हाबाफारियावनो इउ पि पि एल दोलोन दैदेनगिरि फारियै सुरेश सरकार, धिराज देका, बिनद मुसाहारि, बसिस्त चौधुरि, कनक बर', सौरब दास, सत्यजित बर', गापाल दासमोनजों लोगोसे दोलोन गुबुन गोबां दैदेनगिरि आरो सोद्रोमाफोर बाहागो लानानै गावबा-गावनि बान बिबुंथियाव फेबाय थानाय बिधान सभा बिसायख'थियाव भवानिपुर बियाबयाव इउ पि पि एलनि देहासारनाया रोखा होन्नानै दाबि खालामो। बुब्लियावनो मावफुं सोद्रोमा उकिल मुसाहारिआ खौरंगिरिफोरजों मोगा-मोगि जानाय समाव बुझेदि, बि टि आरआव हाग्रा महिलारी दैदेनाय, खेलेंखारि जाख्ल'नाय सरकारखौ फोजोबनानै प्रमद बर'नि दैदेनायाव सोलिफु बि टि आर सरकारआ बि टि आरआव मोनसे मोजां सरकार लाबोनानै रइजो-रजाफोरनि मोन्नो गोनां मोन्थायखौ समानै मोन्नो थाखाय सिगां फारसे आवगायगासिनो। बे खेबनि बिधान सभा बिसायख'थियाव हाग्रामा महिलारी दैदेनाय बि पि एफ दोलोआ मोनसेबो बियाबआव देरहनाय नडा। बि पि एफखौ फोजोबसांनो थाखाय साफ्रोमबो रइजो-रजाफोर थियारि जानानै दं। बे हिसाबै फेबाय थानाय बिधान सभा बिसायख'थियाव इउ पि पि एल दोलोन साफ्रोमबो बिजाथिफोर देरहानानै रइज्यो सरकार खुंथायनि गोहोयाव थाफानाया रोखा जावया। गुबुन बियाबफोरजों लोगोसे भवानिपुर बियाबआवबो इउ पि पि एलनि देरहनाय रोखा। बे बाश्राखौ इउ पि पि एलनि साफ्रोमबो हेफाजाबगिरि रइजो-रजाफोरनि अन्सायनायानो रोखा खालामदों होन्नानै मावफुं सोद्रोमा उकिल मुसाहारिआ बुंवावो।□

## बि टि सिनि फाइलफोरखौ हाग्रामा महिलारीआ खावनानै दोनखोमादोंः राकेश ब्रह्म

जाख्ल'नाय फाइलफोरखौ माखासे दुथां मानसिफोरखौ हगारनानै सिखाव महरै बि टि सिआव प्रमद बर' दैदेनाय सरकार फैनानयनि सिगांनो गावनि जाख्ल'नाय गोबांथार फाइलफोरखौ न'याव लांनानै दोनखोमादों। हाग्रामा महिलारीनि जाख्ल'नायनि फाइलफोरखौ दिहुन्नो थाखाय इउ पि पि एल सरकारा फारि-फारि नागिरगासिनो दं आरो बेखौ जेरावखि दोनखोमाया मानो नागिरनानै दिहुनगोन होन्नानैबो फोरमायथिबावो। बेजों लोगोसेनो बारग' गाहाय खुंगिरि हाग्रामा महिलारीआ बिसायख'थियाव जेन्नानै सरकार दानो हायैनि उनाव जेरावबो ऑंखारनो हायाखै। जायनि थाखाय रइजो-रजानि गोजानयाव थानो गोनां जादों। बेनि अनगायैबो फेबाय थानाय आसाम बिधान सभा बिसायख'थियाव मिरु आफादआ इउ पि पि एल, बि जे पि आरो जि एस पि मोनथाम दोलोजों सावरयनानै जाय बिजाथिखौ मदद खालामगोन बेखौनो मदद होगोन होन्नानैबो बुंथिबावो। बिथाड बुंवावोदि, बि टि आर ओन्सोलायाव हाग्रामा महिलारीनि जेबो गोहोम गैला। कंग्रेस, ए आइ इउ डि एफ सि पि आइ (एम) बायदि दोलोफोरजों महाजत गोरबथायाव बाहागो लानानै बिसायख'थि गेलेयोब्लाबो बि पि एफआ देरहानो हानायनि जेबो गोहो गैला। आतियाबारि प्राइमारि इउ पि पि एलनि बान्जानयायाव दिनें खुंफुंजानाय दोलोन बे मेलयाव बि टि आर बिफाननि मावफुं सोद्रोमा घनस्याम दासआबो आलासि महरै बाहागो लानानै गावनि बिबुंथियाव आबर' हान्जानि दैदेनगिरि गजेश्वर कलितारखौ सासे दोलो बारस्लायग्रा होन्नानै सोंखारिनायजों लोगोसे थांनाय 5 बोसोरनि सिगाडववनो गौथुमानिफ्राय ऑंखारनाय जादोंमोन होन्नानै बुंथिबावो।□

## अहंखारनि थाखाय बि जे पिआ जोबस्त्रांलांगोनः प्रमिला रानि

मेलयाव मन्थ्रि ब्रह्मआ बुझेदि, फेबाय थानाय बिधान सभा बिसायख'थिनि थाखाय बि टि आरआव बि पि एफ दोलोआ बिसायख'थि गेलेनो थाखाय दासिम साखा-फारा जानानै दं। बि जे पिखौ गग्लोबनाय रवजों मन्थ्रि ब्रह्मआ बुंवावोदि, बि पि एफ दोलोआ गोबां थान्दै दैथायहरनायनि गेजेरजों बि जे पिखौ रइज्यो सरकार दानायनि खाबुखौ होदोंमोन। थांनाय 5 बोसोराव मिनि खुसियै जुथायै सरकार सालायबोदोंमोन नाथाय बे समाव बि जे पि दोलोआ माबा मोनसे सोलो बाहायनानै बिसायख'थियाव बाहागो लानो सिगांदों। बि जे पिआ बे समाव बि पि एफ दोलोखौ जोगारदों आरो नासयदों। नाथाय बेनि फिन्नायखौ बिसायख'थिनि उन समफोराव रोखायै मोन्नो हागोन। बि पि एफआ बि टि आरनि मोन 12 बियाबआव बिजाथि फसंगोन आरो गासैबै बियाबआव रइजो-रजाफोरनि मदद आरो अन्सायनाय मोन्नायजों देरहासार जानो हागोन। बि जे पिआ गावसिनि अहंखारनि थाखायनो गोमोरलांसिगोन होन्नानैबो मन्थ्रि प्रमिला रानि ब्रह्मआ फोरमायबावो। मख'नाय जायोदि, दिनें कक्राझार जिल्लानि सिडव थानाय बिषमुरि जयपुरआव मोनसे हाबाफारि खुंनायाव आदिबासि द्रगन पाइटर बिग्रायारि आफादनि दैदेनगिरि आरो सोद्रोमाफोरजों लोगोसे ओन्सोलनि गासै सा 116 सुबुंफोरा बि पि एफ दोलोयाव गोदानै जयन जाफेदों। मन्थ्रि प्रमिला रानि ब्रह्मआ गोदानै जयन जाफेनाय गासै सोद्रोमाफोरखौ बरायनायजों लोगोसे गावनि बिबुंथियाव फेबाय थानाय समयाव गुबुन गुबुन ओन्सोलफोरजों लोगोसे जयपुर ओन्सोलायावबो जौगाखानायनि खामानि मावगोन होन्नानै ओन्सोलनि थागिबि सुबुंफोरनो खोथा होयो।□

(□ 1 बिलाइनिफ्राय)

## गा 18 थि बोसोरारि जथुम्माजों लोगोसे हायुडारि सावराय.....

बाहागो लानानै बेसेन गोसा बिबुंथि लाखियो। बेजों लोगोसेनो बर'नि थुनलाइ मुलुगयाव बेसेन गोसा बिहोमा होनो हानाय थुनलाइगिरि जनिल कुमार ब्रह्म, हरिनारायण काक्लारि, गुबिन्द बसुमतारि, लक्ष्मीनाथ ब्रह्ममोनखौ बरायनायजों लोगोसे मान बाउनाय हाबाफारिया जानानै थाडे। बेबायदिनो गाबोन 1 मार्च अक्टखालि हाबाफारि बायदियै फुंबिलि 7.00 रिगानिफ्राय खन्थाइ आरो सुंद'सल' बादायलायनायनिफ्राय जागायनानै 8.00 रिगायाव गौथुमनि फिरफिला बिहोनाय, मुंखलंफोरनो मान बाउनाय, गोजाम आफाद फिसायनानै गोदान आफाद दानाय, मान बाउनाय हाबाफारिया जागोन। गाबोन जोबथा सानखालि बे हाबाफारियाव गाहाय आलासि महरै बाहागो लाफैगोन बि टि आरनि गाहाय मावफुं सोद्रोमा प्रमद बर'आ।□

## बिधान सभा बिसायख'थिनि थाखाय बि पि एफ दोलोआ कंग्रेस दैदेनाय हान्जायाव बाहागो लाबाय

राजखाथि दोलोफोर खौसे जानानै बिसायख'थि गेलेनो ऑंखारदों। दिनें आसामनि बिधान लभा बिसायख'थिनि थाखाय कंग्रेस, ए आइ इउ डि एफ आरो बि पि एफखौ लाफानानै गासै मोन 7 राजखाथि दोलोफोरा महाजत गोरबथा खालामदों। जेराव हाग्रामा महिलारी दैदेनाय बि पि एफ दोलोआबो बे गोरबथायाव बाहागो लादों। हादतनि बिसायख'थि आयगआ आसामनि बिधान सभा बिसायख'थिखौ मोन 3 खोलोबयाव खुंगोननि सम फारिलाइखौ फोसावनाय लोगो-लोगो दासान्दि रइज्योनि गासै बियाबफोरयावनो गुबुन गुबुन राजखाथि दोलोफोरनि बिसायख'थि फोसावदिनाया जागायनो हमदों। मख'नाय जायोदि, सोलिफु सरकार खुंथायनि गोहोयाव थानाय बि जे पि दोलोखौ जैरैखि जाया खुंथायनि गोहोनिफ्राय बोख्खायनो एबा फेजेन्नायनि रोन खौसल हावयानानै आसामआव मोन 7 हादतयारि आरो ओन्सोलयारि राजखाथि दोलोफोरा खौसेयै गोरबथा खालामदों।□

## बिसायख'थिनि सोमोन्दै बागसा जिल्ला बेंगिरिनि खौरंगिरि मेल

बायदिब्ला तामुलपुरआव सा 2,10,379, बरमायाव सा 1,65,848 आरो सापागुरियाव सा 1,57,368 भटरफोर मोन 788 भट सोग्रा मिरुयाव भट होगोन। बेनि थाखाय सा 3782 पल्लि अफिसार सायख'नाय जागोन होन्नानै जिल्ला बेंगिरिया फोरमायबावदोंदि, मोन 3 बो बियाबआवनो गासै 25 आइजो भट मिरु फरुंनाय जागोन होन्नानै मिथिहोबावो। बेजों लोगोसेनो कभिड-19 गोसारनायखौ नोजोर लाखिनानै साफ्रोमबो भटरफोरनि थाखाय मास्क आरो समाजयारि जान्थायखौ मानिनानै सोलिनंगोन होन्नानैबो फोरमायथियो। बेरफारसे राजखाथि दोलोफोरनि बिजाथिफोर भट होनाय समयाव सानैल'सुबुं लानानै बिसायख'थिनि मिरुयाव हाबनो हागोन होन्नानै फोरमायबावो। मख'नाय जायोदि, बाक्सा जिल्लानि मोन 3 जिल्लायाव गासै सा 9274 गोदान भटरफोर बांसिन्दों।□

## फैगौ 2 बोसोरनि गेजेराव 1 कौटि सुबुंफोरनो बेसेन नाडैः एल पि जि फोनांजाव होबावगोनःमिरु सरकार

बायदिब्ला थांनाय 4 बोसोर समनि गेजेराव गोरिब आइजोफोरनि नख'रआव बेसेन लायाजासे 8 कौटि एल पि जि फोनांजाव खालामनाय जादों आरो बेयो हादतनि गिबि खेब रेकर्ड जादों। दासिम सोलिफु समाव हादतआव एल पि जि बाहायनायनि अन्जिमाया 29 कौटिसिम जाहैबाय। मख'नाय जायोदि, सोलिफु दाननि जागायनाय समाव जागायनाय मिरु बाजेटआव प्रधान मन्थ्रि उज्वला यजना बिथांखिनि आवथायाव 1 कौटिनि बांसिन नख'रफोरनो बेसेन लायाजासे संग्रा ग्रेस जगायना होनायनि थाखि फोसावदोंमोन। बेनिनो बोहागो महरै फैगौ 2 बोसोर समनि गेजेराव 1 कौटिनि बांसिन एल पि जि फोनांजावनायनि थाखाय मिरु सरकार थांखि लादों।□

## इन्डियान जानार्लिस्ट इउनियनआ हादतनि खौरंगिरिफोरनो गिबियै करना भेक्सिन होनो मिरु सरकारखौ खावलायदों

फाहामगिरिजों लोगोसे गासै मावफारियाफोरनो बेसेन नाडजासे करना भेक्सिन जगायथिनानै होनायखौ बरायनायजों लोगोसे खौरंगिरिफोरनि थाखायबो थाबैनो करना भेक्सिन होनायनि रहा लानो थाखाय खावलायदों। रदाब बिबुंसाव फोरमायबावदोंदि, करना भाइरासनि दोहौनि समाव हादतनाडै खौरंगिरिफोर गोनांथार बिफाव लादों। बे गिखंथाव भाइरासजों गावखौ बावनानैब्लाबो सुबुंफोरनि गेजेराव सांग्राथि लाबोनायनि असिलायै खौरां फोसावनो फोथाराव ऑंखारनाय समाव भाइरास सन्देरजानानै जौनि गोबां खौरंगिरिफोरा अवथियारै जिउ गोमानांवाय। बे हिसाबै जौनि खौरंगिरिफोरा करना भाइरासनि हेंथायै जुजिनयनि दावहार। बेनिखायनो साफ्रोमबो हादतनि गनायथि जानाय खौरंगिरिफोर करना भेक्सिन मोन्नायखौ जों हास्थयो होन्नानै आइ जे इउनि दैदेनगिरिफोर खावलायो। बेजों लोगोसेनो कभिड-19 जों गग्लोबजानानै रंसारि जानाय खौरंगिरिफोरनि नख'रनो मिरु सरकार थांनाय बोसोराव जानार्लिस्ट वेलफेयार स्कीमनि आवथायाव 5 लाख रंखाथि अन्सुंथाय होनायनि थांखि लानायखौबो आइ जे इउआ बरायदों।□

## गसाइगावआव असम जातीय परिषद कक्राझार जिल्ला आफादनि जथुम्मा खुंदों

बे जथुम्मायाव बाहागो लादोंमोन फारियै असम जातीय परिषदनि मिरु आफादनि नेहाथारि लाकिमुनि बरुवा, आइजो मर्सा आफाद मिरुनि नेहाथारिजो कबिता दासजों लोगोसे कामरुप नोगोर जिल्ला आफादनि सोद्रोमा अनामिका देका आरो असम जातीय परिषदनि गोबां गोजौ थाखोनि दैदेनगिरि आरो मावफोरा। आसुनि बारग' आफादगिरि एबा समाजयारि मावर्थि कनिन्द्रनाथ दासनि आफादगिरि मासि सामलायनानै दैदेनाय बे दिनेंनि मेलनि गेजेरजोंनो असम जातीय परिषद कक्राझार जिल्ला आफादखौ गोदानै दाफुंनानै लानाय जायो। गोदानै दाफुंजानाय जिल्ला आफादआव आफादगिरि महरै नजमुन हक आरो गाहाय नेहाथारि महरै देवासिस दासमोनखौ साइख'नाय जायो। बे मेलयाव गावनि बिबुंथि लाखिनाय समाव असम जातीय परिषद मिरु आफादनि आफादगिरि फयजुल हकआ बुझेदि, आसामआव बे खेबाव बि जे पिनि हेंथायै गसंथेनानै ए जे पिखौ गइसन्नो थाखाय सिगां फारसे खामानि मावलांनंगोन। बि जे पिआ आसामनि थागिबि सुबुंफोरखौ थगायदों बे हिसाबै बे खेबाव बि जे पिनि हेंथायै जों गोखों गसंथेनंगोन आरो बिसोरनि खाथियाव गेदेर दाबिखौ देखानंगोन। जौनि असम जातीय परिषदआ माब्लाबाबो नोगोरारि सोदानाय आयेनखौ जाहोनाय नडा। बेनि थाखाय असम जातीय परिषदआ गोखोडे गसंथेलांगोन आरो फैगौ समाव रइज्यो खुंथायनि गोहोयाव थानानै आसामनि गासै थागिबि सुबुंफोरनि थाखाय गासै बिथिडव जौगालु खामानि मावलांगोन होन्नानै खोथा होयो। दिनेंनि बे कक्राझार जिल्ला आफादनि जथुम्माय गुबुन गुबुन दोलोनफ्राय खमैबो सा 70 नि बांसिन सोद्रोमाफो ए जे पिआव हाबफेदों।□

## रामफलबिल दख'रा एबसुआ दख'रानि बेन्दोंआव थानाय दालाइसा आफादफोरनि बिबानगिरिफोरखौ समायखिरा लाहोनायजों लोगोसे मावथि मेलबो खुंदों

जोनोमनि जारिमिन आरो इयुनाव मावनो लानाय हाबाफारिनि सायाव गेबें आरो गुवारि बिबुंथि लाखियो आरो कक्राझार जिल्ला एबसुनि गाहाय नेहाथारि खाम्पा बसुमतारिआ मेल बेखेवगिरि आलासि महरै बाहागो लानानै ऑंथि गोनां बिबुंथिनि गेजेरजों मेलखौ बेखेवनानै होयो। लोगोसे रामफलबिल दख'रा एबसुनि बोसोनगिरि अमृत कुमार ब्रह्मआ आलासि महरै बाहागो लानानै गोदानै बिबान रुजुन्नाय दालाइसा एबसुनि बिबानगिरिफोरखौ समायखिरा लाहोयो। मख'नो गोनांदि, बे मेलयावनो कक्राझार जिल्ला एबसुनि सुबुं फोनांजाव नेहाथारि हांगामा नार्जारि, लोगो सोलेंथाय नेहाथारि पुकन मुसाहारि, रामफलबिल दख'रा एबसुनि बोसोनगिरि अमृतलाल दैमारि, सन्बु कुमार बसुमतारि आरो फोजाखौ मुसाहारिमोनहा आलासि महरै बाहागो लादोंमोन। रामफलबिल दख'रा एबसुनि आफादगिरि बिनय मुसाहारिनि आफादगिरि मासि लानानै सामलायनाय बे मेलयाव दख'रानि बिबानगिरिफोरजों लोगोसे दख'रानि बेन्दोंयाव थानाय मोन 8 दालाइसा एबसुनि आफादगिरि आरो गाहाय नेहाथारिजों लोगोसे सा 250 सो बिबानगिरि आरो सोद्रोमाफोरा बाहागो लानायजों दिनेंनि बे समायखिरा लानाय आरो मावथि मेलआ मेहेरगोनाडे जाफुंसार महरै जोबलादों होन्नानै रामफलबिल दख'रा एबसुनि गाहाय नेहाथारि बिजित कुमार ब्रह्मआ रदाब बिबुंसारनि गेजेरजों फोरमायहरदों।□

## भवानिपुर बियाबखौ एआइइउडिएफनिफ्राय खबजा खालामफिनगोनो 100 जौखोन्दो रोखाः बि जे पि

गुबुन गुबुन बियाबफोरजों लोगोसे भवानिपुर बिधान सभा बियाबआवबो बि जे पि दोलोन गोहोया नांगौ बायदि गोखौ जानायखौ फोथायथि लादों। भारतीय जनता पार्टीनि बजालि जिल्ला कमिटिनि आफादगिरि नगेन चौधुरिआ बुंदोंदि, भवानिपुर बिधान सभा बियाबआव बि जे पि दोलोन राजखाथिथारि थासारिया थोजासे गोहोगोरा। बे खेबनि बिसायख'थियाव रइजो-रजाफोरनि हेफाजाब आरो मददजों ए आइ इउ डि एफ-कंग्रेसनि हेंथायै जुजिनो थाखाय थियारि। दिनें भवानिपुर मन्दल बि जे पिनि मावखुलिथाय खुंनाय मोनसे मेलनि गेजेरजों जिल्ला आफादनि आफादगिरि चौधुरिआ भवानिपुरव बि जे पि दोलोन थासारिजों सोमोन्दो थानाय बाश्राफोरखौ बुंथिनायजों लोगोसे बिथाड बुझेदि, भवानिपुर बियाबआव गासै 204 बुट कमिटि दोलोन मावथिफोरा बे समाव थादनाय आरो जिरायनाय गैयालासे गोखोडे खामानि मावगासिनो। बे बियाबआव दासिम 3775 दोलोन मावथिफोरखौ खामानि मावनो थाखाय गाहाय बिबान होनाय जादों। बिथामोनहा भटर फारिलाइखौ नोजोर लाखिनानै दासिमयाव फोनांजाव खालामनायनि गेजेरजों दोलो आरो सरकाररि खामानिफोरजों फोनांजाव खालामबोबाय थादों। लोगोसेनो दोलोन मावथिफोरा भवानिपुर बियाबनि 34601 नख'रफोरनि गेजेराव 17851 नख'रफोराव न'-न' हाबनानै दिनेंनि दिनाव बि जे पिनि सोद्रोमा महरै थिसन्नो हादों। बेजों लोगोसे दोलोन मावथिफोरा मोनफ्रोमबो नख'राव हाबनानै सोलिफु बि जे पि सरकार मोनसे मावनि आरो बिथांखिफोरनि बागै गेबेडै आरो रोखायै फोरमायथिनानै होदों। आद्रा गुबुन नख'रफोरावबो बि जे पिनि जौगालु खामानि मावनायफोरखौ नुनानै बि जे पिखौ मदद होनो थाखाय सिगांबोदों। बि जे पिआ बे खेबनि बिसायख'थियावबो बांसानखो मासि देरहानानै सरकार दानो हागोना रोखा होन्नानै खौरंगिरि मेलनि गेजेरजों बिथां चौधुरिआ बुंवावोदि, नेडानि लिंथुमगिरि हिमन्त बिश्व शर्माआ बावैसो सान सिगां भवानिपुरव फैनानै मोनसे बाइक रेलि खालामनानै सुबुं गौमायाव बाहागो लादोंमोन। बिथां मन्थ्रि शर्माआ दावबायफेनायनि उनाव भवानिपुर हालामयाव बि जे पिनि राजखाथि थासारिया आरोबाव गोखोंसिन जादों। बे हालामनि सरसनसा रइजो-रजाफोरा भवानिपुर बियाबआव जौगाखानायनि शार्थयाव बि जे पिनि बिजाथिखौ देरहासार खालामहरनो थाखाय साखा-फारा जानानै दं होन्नानै बियाबनि सिडव थानाय गासै हरि-धोरमनि सुबुंफोरखौ बि जे पिनि बिजाथिनो भट होन्नानै देरहासार खालामनो थाखाय खौरंगिरि मेलनि गेजेरजों बजालि जिल्ला आफाद बि जे पिनि आफादगिरि नगेन चौधुरिआ खावलायहरो।□

## आंनो नोंनि अन्नाय नांगौ

(□ 3 बिलाइनिफ्राय)

उन्दैनिफ्राय सिबाय बिमा

सेरियास सानारिखसै। खालि

बुंवायल' -

: फरायफुनाय गथ'

सानैबो। बेनिखायनो बाराद्राय

फिसाफोरखौ खष्ट' एबा दुखु

होनाया मोजां जानाय नडा

बिमा। उनाव माबा मोनसे

खालाम जागोन। दानि लिभिं

प्टेन्डार जुगाव बेफोरखौ लानानै

बांद्राय खर' सानाया मोजां नडा।

देनां बुजिब्ला गावनो

लाजिगोन, गारगोन। संग्रा

सिख्ला समाव, बिबिदि

बैसोयाव गोसो थोनाय बेरामा

साफि खायो। बेयो बैसोनि

दोहोरमखा। लासै लासै बुजाय

जागोन। हावरिया खावरिया

उन्दैनिफ्राय सिबाय बिमा

बिफानि अन्नाय मोनाखिसै,

जौनो फरायहोनानै मानसि

खालामबाय। दिनें बि ए

फाइनालनि देवना मोनबाय।

एसेबां बोसोर बय हस्टेलाव

दोन्नानै फरायहोबाय , बिबिदि

गथ'आ जाफेराखैमोन। दिनें

फिसा जिमिया बिबिदिसो

सान्बाय। बाराद्राय अन्नायानो

दिनें जोंखौ खैफोराव

खोख्लैबाय।

: नोंसोर हिनजावफोरनि

फिसा खोथाखौनो सेरियास

सानो। अनलायना थानो,

जानो रोडोब्ला जेबो जाया।

हास्थायनाय मानियानो

फिथाय थायो। नायबायल'

(उन बिसानाव)

बारसिगौ। खालालानो गात्रि

जौना बि ए एम ए पास जाना

साखि मोनब्ला नायफिनगोन

नोंनि नोम्ब'नि फिसाया ?

मानसिखौ एसेबां अन्जाया,

बाराद्राय अनोब्ला लाय

मोनो, फाफितायव गाखोयो।

सैमाब्ला आरो। खरसा

जानाय रंखौ मोनफिनाब्ला

आं गारनायाव गैया,

थैब्लाबो।

: नोंसोर हिनजावफोरनि

फिसा खोथाखौनो सेरियास

सानो। अनलायना थानो,

जानो रोडोब्ला जेबो जाया।

हास्थायनाय मानियानो

फिथाय थायो। नायबायल'

(उन बिसानाव)

# सलमान खानआ फावगिरिफोरजों लोगोसे सेल्फ लानानै रंजादों

गोदान दिल्ली, 28 फेब्रुवारी: बिग बस 14 आ जोब्बाय आरो आथिखालाव सलमान खानआ गावनि उननि प्रजेक्टफोराव बाहागो लाबाय। शुक्रबारनिफ्राय जिटिभिआव इन्डियान प्र-मिडजिक लीगखौ जागायबाय, जेराव सलमान खानजों लोगोसे बलिउडनि माखासे स्टारफोरखौ नुनो मोनगोन। गबिन्दआबो बेवहाय बाहागो लादों। बेनि खौरांखौ होनो थाखाय सलमान खानआ शुक्रबारखालि मोनसे सिएसआइड सेल्फिखौ पस्ट खालामदों, जेराव गबिन्दखौ गावनि नख'रनि सुबुंफोरजों लोगोसे नुनो मोन्दों। बे सेल्फि सावगारिआव सलमान खानजों लोगोसे रिशेश देशमुख, रिशेशिनि बिसि आरो फावखुंघि जेनेलिया डिमुजा, बबी देअल, राजकुमार राव, श्रद्धा कापुर, सिद्धांथ,



करण वाही, वलुशा डिमुजा, क्रिकेट गेलेगिरि सुरेश राइना आरो गबिन्द, बिनि बिसि सुनिता आरो फिसाजो टीनाखौ नुनो मोन्दों। बिसेरनि अनगायै आरोबाव माखासे स्टारफोराबो दड। सेल्फिजों लोगोसे सलमानआ लिरदों, बेवहाय मोनसे सेल्फि लानाया गोनांथार। बयनिखुडबो देरसिन मिडजिक लीगआ बेवहाय जासिगोन।

इन्डियान प्र-मिडजिक लीगनि अपेनिं सेरेमनीआ जिटिभिआव दिनें हरनि 8.00 रिंगायाव जागोन। इन्डियान प्र-मिडजिक लीगआव गासै 6 टीमफोर

मुम्बाइ वारियर्स, पान्जाब लायन्स, बन्गा टाइगर्स, गुजराट रकरस, इडपि दांबांस आरो दिल्ली धुरन्धर्सआ बाहागो लागोन। मोनफ्रोमबो टीमखौ बलिउड स्पर्टसनि स्टारफोरा सापर्ट खालामगोन। बे टीमफोरनि केप्टेनआ मिडजिक इन्डस्ट्रीनि मुंदांखा सुबुं जागोन। मोनफ्रोमबो टीमआव मोनसे रिएलिटी स्विन स्टारफोरनि अनगायै ओंखारबोनाय देंखोगिरिबो दड। मीका सिं, कैलाश खेर, साजिद खान, शान, अंकित तिवारी, जाबेद आली, अनिस कौर, भुमि

त्रिभेदी, आखुति कक्कड, पायल देब, नेहा भसिन, शिल्पा रावआ केप्टेन महैर चीनफोरखौ गाइड खालामगोन। मख'ने गोनांदि, सलमान आरो गबिन्दआ पार्टनरआव लोगोसे फाव खालामदोंमोन, जाय बक्स अफिसआव हिट जादोंमोन। बिग बसखौ फोजोबनायनि उनाव सलमानआ आथिखालाव थाबैनो गावनि सावथुन टाइगार 3 नि शुटिखौबो जागायसिगोन, जेराव इमरान हाशमी आरो कट्टिना काइफआ बिजों लोगोसे फाव खालामगोन।

# सानी लियनीनि माखासे लुकआ फेन्सफोरखौ जाउलिया खालामदों



गोदान दिल्ली, 28 फेब्रुवारी: फावखुंघि सानी लियनीनि गोजा गाबनि ग्राउन गान्नाय सावगारिया सशेल मिडियाआव भाइरेल जादों। बे आउटफिटआव सानीखौ गोबां समायना नुनो मोन्दों। सानीनि बे सावगारिफोरखौ फेन्सफोरा गोबां अन्याय होदों। सानी लियनीआ बेजों लोगोसेनो क्लासिक मेकआप खालामदों। सानीआ गोजा गाबनि लिपस्टिक लागायदों, जाय आबुडै आउटफिटजों मिलायदों। सानी लियनीआ बे सावगारिफोरखौ गोबां मोजां एक्सप्रेसन्स होदों। बिखौ नुनानै हमदानो हायोदि, बियो गोबां मोजां मुडआव दड। सानीआ खानायखौ टम कर्लनि लुक होदों, जायनि बिनि सायाव गोबां समायदों। बेजों लोगोसेनो बियो गल्डेन ज्वेलरी गान्दों। गावनि बे सट्रेप स्टाइल गाउनजों लोगोसे सानीआ माल्टी कालारनि नेल पेन्ट लागायदों। बे सावगारिफोरनि केप्सनआव सानीआ लिरदों, गुलाबआ गोजा जायो। फान्थावआ नील गाबनि जायो। आं हराव उन्दुआखै, मानोना आं नॉनि सोमोन्दै सान्दोंमोन।

# आमीषा पाटेलनि सायाव 2 खावसे कौटि रांनि गेनाखास्थि खालामनायनि दाय जाबसिन्दों

गोदान दिल्ली, 28 फेब्रुवारी: बलिउड फावखुंघि आमीषा पाटेलआ आथिखालाव माखासे जेंनाजों मोगा-मोगि जानांदों। बिनि सायाव 2 खावसे कौटि रांखौ गेनाखास्थि खालामनायनि दाय दड। बे केसआव शनिबारआव मुम्बाइनि गंसे बिजिरसालिआ फावखुंघिनाव फिनायबो बिदों। बेराफासै बेफोर गासैबोनि गेजेराव आमीषा पाटेलआ बे केसआव गावनि फिनजाथायखौ होदों। बियो ससेल मिडियाआव 2 खावसे कौटि रांनि गेनाखास्थिखौ लानानै गावनि फिनजाथायखौ होदों। आमीषा पाटेलआ ससेल मिडियाआव गोबां सांग्राथियै थायो। बियो गेनाखास्थिनि दाय जाबसिन्नायखौ लानानै गावनि मावख 'यारि टुइटर एकाउन्टआव फिनजाथाय होदों। बियो बुंदोंदि, गावखौ लानानै गले गले नंखाय बाश्राया गोसारो। गाव गावनि जिडनि गोजोन्नायखौ लादों। आमीषा पाटेलआ गावनि टुइटरआव लिरबावदों, सासे पाब्लिक फिगार जानायनि जाहोनाव गावनि फाव खालामनाय आरो सुबुंथिनि आखुखौ खनले खनले लाजिफोनाडे। गावनि थाखाय गोजाम बाश्रा बांसावनाय आरो सावरायनाया सोलायबाय थायो। फावखुंघिआ लिरबावदों, मोनसेल 'जिउखौ मोनो, मोनफ्रोमबो समखौ गोजोन्नाय लानांगो, जायखौ भगवानआ नोंथानो अन्थोबनि महैर होदों, जायखौ आं खालामदों। बे टुइटनि स्क्रीनशटखौ आमीषा पाटेलआ मावख 'यारि इनस्टाग्राम एकाउन्टआवबो शेयार खालामदों। मख 'नो गोनांदि, आमीषा पाटेलखौ सासे फालांगिरिआ 2 खावसे कौटि रांनि गेनाखास्थिनि केसआव कर्टआव दाय जाबसिन्दों। सावथुन कही ना प्यार हैजों डेव्यु खालामनाय आमीषा पाटेलखौ अजय कुमार सिं मुनि सासे फालांगिरिआ बिखौ कर्टआव दाय जाबसिन्दों। स्पटबय डट कमआव सेबखानाय खौरनि बादिब्ला, अजय कुमार सिंआ लाभली वर्ल्ड एन्टारटेनमेन्टनि पुफराइटर। बियो आमीषा पाटेलनि हेंथायै केस थिसिन्दों आरो दाय जाबसिन्दोंदि, आमीषा पाटेलआ गावनि 2 खावसे कौटि रांखौ लानानै गेनाखास्थि खालामदों।




# मिलन्द समन आरो अंकिता कँवरनि सोमोन्दोआ गोदैसिन जाबोनो हमबाय



गोदान दिल्ली, 28 फेब्रुवारी: बलिउड फावखुंघि मिलन्द समनआ सावथुनफोरनि अनगायै गावनि जुलि जानाय जिउ आरो बिसि अंकिता कन्भरखौ लानानै सम सम खौराडाव थाबाय थायो। बियो ससेल मिडियाआव बिसिजों लोगोसे गावनि जर 'खा सावगारिफोर आरो भिडिअफोरखौ शेयार खालामबाय थायो। मिलन्द समन आरो अंकिता कन्भरआ गोबाव समसिम गावजों गाव डेट खालामनायनि उनाव 2018 आव जुलि जानो थांखि लादोंमोन। अंकिता कन्भर आरो मिलन्द समननि गेजेराव गासै 26 बोसोर बैसोनि फारागथि दड। बेबादिआव बिसेर सानैनि जुलिआ गोबां खौराडाव थाबाय थादोंमोन। मिलन्द समन आरो अंकिता कन्भरआ जेब्ला गिबि खेब लोगो मोनलायदोंमोन अब्ला बिसेर सानैआ जुलि जानायनि जेबो थांखि गैयामोन। बे बाश्राखौ फावखुंघिआव गावनि इनस्टारभिउआवबो बुंदांबाय। बेराफासै आथिखालाव गावसोरनि सोमोन्दोआ 7 बोसोर आबुं जानायाव मिलन्द समनआ ससेल मिडियाआव जर 'खा पस्ट लिरदों। मिलन्द समनआ ससेल मिडियाआव गोबां सांग्राडे थायो। बियो अंकिता कन्भरजों लोगोसे गावसोरनि सोमोन्दोआ 7 बोसोर आबुं जानायाव इनस्टाग्राम एकाउन्टआव बिसिजों लोगोसे सावगारि शेयार खालामनायै जर 'खा पस्ट

लिरदों। सावगारिआव मिलन्द समनखौ बिसि अंकिता कन्भरनि बिखायाव सोनारनाय नुनो मोन्दों। बे सावगारिजों लोगोसे बियो गावनि पस्टआव लिरदों मुलुगनाडै लोगोसे दावबायनाय, लै थोमायाव थब्ल 'नाय, हाजोआव गाखोनाय, माखासे हादरफोराव लोगोसे दावबायनाय, हाग्राबारिफोराव गिदिनाय आरो बालाहामा, अररों हाजोसिमआव दावबायनायनि 7 बोसोरनि उनाव आंनि गोजोन जायगाया दासिमबो नॉनि बिखायाव दड। बेनि अनगायै अंकिता कन्भरआबो गावनि ससेल मिडिया एकाउन्टआव फिसाइ

# लेडी गागानि गोमानाय सैमाखौ लाबोग्रानो कौटि रां होनो फोसावदों



गोदान दिल्ली, 28 फेब्रुवारी: अस्कार देरहागिरि पप सिंगार लेडी गागाया फोसावदोंदि, गावनि सैमाफोरखौ नागेरनानै लाबोग्राफोरनो 5 लाख डलार (गासै 3.65 कौटि रां) खौ बान्था होनाय जागोन। बुधबारआव गावनि डग वाकार (सैमाफोरखौ सामलायग्रा) खौ गुलि गावदोंमोन आरो मानै फ्रेन्स बुलडसखौ हलिउडनिफ्राय खावदों। गागानि बिफा ज जर्मनटयाय बृहस्पतिबारआव निउयर्क पस्टजों बाश्रा सावरायलायनायाव बुंदोंदि, एटेक खालामजानायनि उननिफ्राय बियो गावनि फिसाजोनि सोमोन्दोआव दड। बियो बुंदों गावसोर बेखौ लानानै गोबां जिंगा सिदों। बेयो थारैनो गिथावना। बेयो सोरबा गावनि फिसाफोरखौ लांनाय बायदि जादों। लस एन्जिलिस पुलिस केप्टेन जनाथन टिपेटनि बायदिब्ला बुधबारआव डग वाकारखौ गुलि गावदों। आथिखालाव बिखौ रैखाथि होबाय। पुलिसनि बायदिब्ला दासिमबो बेखौ मोनथिनाय जायाखैदि, डग वाकारखौ सेलेब्रिटीजों कानेक्सन थानायनि जाहोनाव गुलि गावदोंमोन। बेनि उनाव माखासे जाहोनाव दड। मानै सैमाफोर कजी आरो गुस्ताबखौ मोनफिन्नो थाखाय लेडी गागाया बान्थाखौ फोसावदों। बियो फोसावनाय बायदिब्ला सैमाफोरखौ लाबोग्राफोरनो 5 लाख रां बान्था हननायजों लोगोसे बिसेरनाव सोंथिबो सोंनाय नड। बेनि थाखाय मानै सैमाफोरनि मुंजों इमेल आइडी kjiandgustov@gmail.com खौबो फोसावबाय

# गाहाम देहानि राहा

## आयरन खम जानायनि जाहोनाव मेंनाय, खर' गिदिनाय आरो हां लानायाव जेंना जायो

गोदान दिल्ली, 28 फेब्रुवारी: नेसनेल फेमिली हेल्थ सार्भेनि बादिब्ला, हादरआव 58.6 जौखोन्दो गथ 'फोर, 53.2 जौखोन्दो आइजोफोर आरो 50.4 जौखोन्दो गोबोंआव थानाय बिमाफोरा आयरननि खम जानायजों भुगिनादों। थानाय 50 बोसोरनिफ्राय आयरननि खम जानायखौ फोजोबनो थाखाय एनिमिया कन्ट्रल प्रग्रामखौ खुंनाय जादों, नाथाय दासिमबो थासारिखौ गोबां सोलायनाय नुनो मोनाखै। आयरन खम जानायनि जाहोनाव मेंनाय, खर' गिदिनाय आरो हां लानायाव जेंना जानाय बायदि बेसेबां आयरन लानाया मोजां, बेखौ मिबथिना लानाया गोनांथार। गेजेराव सान्दु सायनाया खम जानाय आरो जोनोम होनाय



समाव गथ 'नि लिरथाइआ सरासन्नानिफ्राय खम जानायनि जेंनायाबो बाडो। आयरनआ बेसेबां गोनां बेनि खम जानायखौ माबोरै आबुं खालामनांगो आरो सानसेआव बेसेबां आयरन लानाया मोजां, बेखौ मिबथिना लानाया गोनांथार। देहाखौ जौगाखोहोनो थाखाय आयरनआ मोनसे

गोनांथार मिनारेल। देहायाव हिमग्लबिन आरो माखासे हर्मनखौ बानायनो थाखायबो आयरननि गोनांथार जायो। हिमग्लबिनआ खम जानायनि जाहोनाव देहानि मोनफ्रोमबो बाहागोआव अक्सिजेन सौंहेनायाव जेंना गोनां जायो। बेनिखायनो बडिआव आयरन थानांगोआ गोनांथार।

## गोलोम बोथोराव नालेंखर जानायजों इमिउनिटिआ गोख्रों जानायजों खि गोरा आरो गेसनिफ्रायबो रैखा मोनो हागौ



नालेंखरखौ गासै सुबुंफोरानो जायखि-जाया रोखोमे बाहायो। नाथाय बेनि मुलाम्फानि सोमोन्दै बयबो मोजाडै मिबथिना जानो हागौ। बेनि जर 'खा बाश्राया बेनोदि, बेयो गरम बोथोराव नोंथानि देहानि थाखाय गोबां खामानियाव होयो। बेयाव गोबां देरहोग्रा-लावहोग्रा गुणफोरजों बुंफनानै थायो। नालेंखरआव गोबां बिबांनि भिटागिन आरो मिनारेल मोन्नाय जायो, जाय नोंथानि देहानि थाखाय मुलाम्फा गोनां जायो। (1) गरमखौ खम खालामनो थाखाय नालेंखर जानाया मुलाम्फा गोनां। मानोना नालेंखरजों देहायाव दैन

आंखाल जाया, जाय नोंथानि देहायाव एनाजि लाखियो। बेनिखायनो गरमआव सुबुंफोरखौ नालेंखरनि दे लॉनो बोसोन होनाय जायो। (2) नालेंखरआव सेचुरेटेड फेटखौ थोजासे बिबांनि मोन्नाय जायो। बेनिखायनो जुदि नोंथाड सानफ्रोमबो नालेंखर जायोब्ला बेयो नोंथानि कलेस्ट्रलखौ कन्ट्रलआव लाखियो। (3) नोंथाडा नालेंखरखौ गोथाडैबो जानो हागोन आरो लादु खालामनानैबो जानो हागोन। बेयाव एन्टिफांगाल, एन्टिभेक्टेरिएल आरो एन्टिभायरेल गुणखौ थोजासे बिबाडै मोन्नाय जायो, जाय देहायाव बेरामफोरजों

जुजिनारनि गोहोखौ बांहोयो। जायजों देहाया लोरबां जाया। (4) गेस आरो खि गोरा खिनाया मोनसे एरैबादि जेंना जाबाय, जायजों साफ्रोम सुबुंफोरा जेंनायाव गोम्लैयो। नाथाय नालेंखर जानायजों खि गोरा खिनाय आरो गेसनिफ्रायबो रेहाय मोनो। मानोना नालेंखरआव फाइबर थायो। बेनिखायनो नालेंखर जानायजों उदैया साफा जानानै गेस आरो खि गोरा खिनायनिफ्राय रेहाय मोनो। (5) जर 'खायै गथ 'फोरनो गाइखरआव नालेंखर लगायनानै लोंहोनांगौ। मानोना नालेंखरजों बेगेंफोरा गोख्रों जायो। (6) नालेंखर आ लिरथाइखौ बाडाइ खालामनायावबो मदद खालामो। नालेंखर जानायजों देहानि मेटाबलिज्मआ कन्ट्रलै थायो, जाय देहायाव सोमजिनाय मेजेमखौ खम खालामो।

## सुनिल ग्रभरआ छले-कुल्चे बानायनानै फान्नायजोंनो जिउ खुंनो गोनां जाबाय

गोदान दिल्ली, 28 फेब्रुवारी: सरासन्ना सुबुंफोरखौ मिनहोनो थाखाय सुनिल ग्रभरआ आथिखालाव लामायाव ओंखारबोदों। माब्लाबा बिखौ दाबायाव दालि ओंखि संनाय नुनो मोनोब्ला, माब्लाबा बिखौ लामायाव छले-कुल्चे फान्नाय नुनो मोनो। आथिखालाव सुनिलआ गावनि गोदान हाबाफारिखौ जागायबाय, बे खेवआव बिखौ जुस फननाय नुनो मोनगोन। सुनिल ग्रभरआ गावनि मोजोंकर्मिडखालामनायनि थाखाय मुंदांखा। बियो माबेबा स्व'आव बाहागो लायाब्लाबो सुबुंफोरखौ एन्टिस्टेमेन्ट खालामनायाव जेबो खाबुखौ नागारा। बियो ससेल मिडियाआव माबा नड माबा गोमोथाव पस्ट शेयार खालामनानै फेन्सफोरखौ एन्टारटेनमेन्ट खालामनाय

थायो। आथिखालाव सुनिल ग्रभरआ गावनि मोनसे गोदान भिडिअखौ शेयार खालामदों, जेराव बिखौ जुस फान्नाय नुनो मोन्दों। सुनिलआ गावनि बे भिडिअखौ शेयार खालामनानै लिरदों-गाव गावनि डार्लिनो बे जुसखौ लोंहोनो हागोन। भिडिअआव सुनिलआ जुसनि बेसेनखौबो फोरमायदों, जाय 20 रांमोन। सुनिल ग्रभरआ बेनि सिगां भेलेन्टइन डेनि सानआव मोनसे भिडिअखौ शेयार खालामदोंमोन, जेराव बियो छले-कुल्चे बानायदोंमोन। सुनिल ग्रभरआ भिडिअखौ शेयार खालामनानै लिरदों: भेलेन्टइन डेआव गावनि मोजां मोनानयो छले-कुल्चेखौ

जाहोनो हागोन। सुनिल ग्रभरनि बे भिडिअआ गोबां भाइरेल जादों। सुनिल ग्रभरखौ वेब सिरिज तान्डवआव नुनो मोन्दोंमोन। बे सिरिजआव सुनिलखौ गावनि कमिक आखुजों मोजां फाव खालामनाय नुनो मोन्दोंमोन। नायगिरिफोरा सुनिलनि बे आखुजोंबो मोजां मोन्दोंमोन। बेनि सिगां सुनिल ग्रभरआ गब्वर इज बेक आरो भारत बायदि सावथुनफोरखोबो गाहाय फाव खालामनायाव। मख 'नो गोनांदि, सुनिल ग्रभरआ कपिल शर्मा स्वनिबो गाहाय बाहागो जाखंबाय।



## जीनम स्टाडि: हादतआव मोन 100 हारिफोरनि 20 रोजा सुबुंफोरखौ स्टाडि खालामगासिनो दड

जधपुर, 28 फेब्रुवारी: करनाआ हेल्थ आर्रो मेडिकेल साइन्सखौ मुलुग नाडै गिबि मावग्रोनांगो हाबाफारियाव लाबोदोमोन। बेनि फिथाया बेनोदि, भारत सरकाराबो आधिखालाव प्युचार मेडिकेल साइन्सनि सायाव गोथोयै खामानि मावगासिनो दड। डिमार्टमेन्ट अफ बायेटक्नलजी जीनम्स इन्डिया प्रजेक्टनि गेजेरजो हादत नाडैनि 100 था हारिफोरनि 20 रोजा सुबुंफोरखौ जीनस्मनि स्टाडि खालाहोगासिनो दड। बे प्रजेक्टनि बिबानखौ भारत बिगियानगिरि आफाद एम्स जधपुरजो लोगोसे हादत नाडैनि गं 20 था आफादफोरनो होदो। अदेबानि बे प्रजेक्टनि गेजेरजो हादतआव बबे हारियाव मा बेमारनि सन्देहआ बांसिन आर्रो बेखौ माबोरै रेखा खालामनो



हागोन, बेखौ मिथिनाया गोरले जागोन आर्रो बेखौ होबथानोबो हागोन। बेजो पार्सनलाइज फाहामथाय जागोन, जेराव गासे बेमारिफोरनो बिसोरनि बायदिये मुलि होनाय जागोन। लोगोसे बे स्टाडिआ इयुनाव जानो गोनां फाहामथायनि थाखाय माइल खुन्थिया महरै फोरमान जागोन। एम्सनि डीन डा० कुलदीप सिंआ फोरमायनाय बायदिब्ला 2020 नि 3

जानुवारीनिफ्राय जागायनाय बे स्टाडिआव एम्सआ राजस्तान, हारियाणा आर्रो इडपिनि माखासे ओन्सोलफोरनिफ्राय सेम्पल लागसिनो दड। बेयाव राजपुत, ब्राह्मण, अग्रवाल, जाट माहेश्ररी, जेन, माली, मुस्लिम, सिन्धी, मिणा, गुजरं बायदि 10 था हारिफोरनि जीनखौ स्टाडि खालामनाय जागोन। बे स्टाडिखौ एम्सजो लोगोसे 20 था आफादफोर हादतनि गुबुन

गुबुन बाहागोफोराव खालामगासिनो दड। एम्सआ गुबुन गुबुन जिल्लाफोरनिफ्राय सा 500 सुबुंफोरनि सेम्पल लाखांबाय। जीनम्स स्टाडिनि फिथाया माबायदि मेडिकेल साइन्सखौ सोलाय होगोन। 1. बेमारि जानायनि सन्देहखौ सिगाडवने मिथिनो मोनगोन। 2. एन्टी नेटल एबा गोरबोयाव थानायनिबो फाहामथाय होनो हागोन। 3. बेजो पार्सेनलाइज फाहामथाय जागोन एबा सोरनो मा मुलि होनांगो बेसेबां इपआ गोहोम खोख्लैनो हागोन, बेखौ मिथिनो हागोन। 4. आर्टिफिभसेल इन्टेलिजेन्सआव जीनमनि डाटा होनायाव बेयो हमदानायखौ फोरमायगोन। 5. मुलनि सल्ट आर्रो कम्बिनेशनखौ सोलायहोगोन। 6. जुदि सोरनिबा इमिडिनिआ वबेबा बेमारनि सन्देह थायोब्ला बेखौ होबथानो हागोन। 7. बेमारनि खौरां मोन्याजो डाक्टरआ साबसिन मुलि आर्रो फाहामथाय होनो हागोन।

मेक्सिक 'सिटि, 28 फेब्रुवारी: सोनाब मेक्सिक 'आव थानाय शनिबारखालि हाथियार लाग्रा हान्जाया गंसे न'आव गाग्लोबनानै सा 10 सुबुंफोरखौ गावथारदो। बे जाथायाव सासे आइजो आर्रो सानै हौवासाफोरा जोखोम जायो। मख'नो गोनांदि, बे जाथाया जल्लिस्क ओन्सोलाव जादो। बेनि गाग्लोबग्राफोरा गंसे सुभजो फेदोमोन आर्रो बिसोरखौ दासिमबो सिनायथिनो हायाखै। खौरनि बादिब्ला, पुसिआ सा 10 हौवाफोरनि गुलि नांनय गोथै सहखो न'खाथिनि फुटपाटआव मोनो। बेयाव सासे हौवासाखौ जोखोम जानाय थासरियाव मोनो। नैथि हौवासा आर्रो सासे आइजोखौ देहा फाहामसालिआव एडमिट खालामदोमोन। मेक्सिक 'आव इगस माफियानि गोखों जानायजो सम-सम गुलि गावनाय जाथाया जाबाय थायो। जल्लिस्क राइज्योआव निउ जेनेरेल कर्टे लनि गोहोम



गोग्लैयो। बेयो मेक्सिक 'नि बांसिन हिंसायारि जाथाय खालामग्रा गोहो गोरा गुप। थानाय माखासे बोसोरनि गेजेराव गुबुन राइज्योनि रुजुनायाव जल्लिस्कआव बांसिनै बुथारनाय जाथाय जायो। माफियानि बे हान्जाया गावजो गाव जुजिलायबाय थायो। सुलुनि बादिब्ला, बे दाननि जागायनायाव पुलिसआ

राइज्योआव राजथावनि गुडालाजारानि बाइजोयारि ओन्सोलाव सुबुनि देहानि अंगफोरजो बुंफबनाय मोन 18 प्लास्टिक बेग मोन्दोमोन। जल्लिस्कनि अफिसारफोरा अल साल्ट सहरनि मोनसे गोथे गासखोमाग्रानिफ्राय सा 173 नि गोथे सहखौ नागिरनानै मोन्दोमोन। थानाय 2020 सिमाव गासे सहरआव गासे

सा 189 गोथे सहखौ मोन्दोमोन। थानाय बोसोराव सेन्ट्रेल मेक्सिक 'आव गुआनाजुआट राइज्योनि मोनसे नाशा उदां मिरुआव माखासे गाग्लोग्राफोरा गुलि गावदोमोन। बेयाव सा 24 सुबुंफोरा थैदोमोन। बिनि सन्देहखो इगस साप्लाइ खालामग्रा गुपनि सायाव खालामदो।

## गुगलनि आर्टिफिसियेल इन्टेलिजेन्सजो भारतीय आइजोफोरा मदत मोनगोन

गोदान दिल्ली, 28 फेब्रुवारी: गुगल रिसार्च आर्रो आइआइटी माद्रासनि संदानगिरिफोरा मोनसे आर्टिफिसिएल इन्टेलिजेन्स टेकनिकखौ थियारि खालामदो, जाय बै आइजोफोरनो सम थानायावनो खौरां होगोन, जायनि देहा गात्रि जानो नागिरदो। बे टेकनिकजो आइजोफोरा गाहाम देहानि जागोन आर्रो बिमा जानायनि देहाखौ सुस्रानायावबो मदद मोनगोन। गुगलआ बुंदो बेनि आन्जाद नायनायाव रोखा मिबथिनो मोन्याय जादोदि, बेखौ बाहायनायजो 32 जौखोन्दो आइजोफोरनि देहानि खैफोदआ खम जादो। एनजिअ आरमान एममित्रआ मोनसेल' मबाइल एप वाइस कल सिबिथायखौ सामलायो। बे एपजो गोबोबति आइजोफोर आर्रो गोदान बिमा जानायफोरनि



देहानि खौरांखो सम थानायावनो मिबथिनो मोनगोन। गुगलआ बुंदो, बे रोखोमै सरासन्सा देहा सिबिथायखौ फालिनाया मोनसे गिदिर लाखिलांनयाव मदद होगोन। हान्जाया बे समाव एममित्रआव 3 लाखनिफ्राय बांसिन सुबुंफोरखौ सरजाबनायनि बिथिडाव हाबा मावदो। 2022 आव 10 लाख

बिमाफोर आर्रो गथ 'फोरनिमिमे बे टेकनिकखौ जगायनानै होनो थांखि लादो। आरमानखौ हेफाजाब होनो थाखाय गुगल अरेन्जआ 5.30 लाख डलारनि उफ्रा रांखौ होनो थांखि लादो। जाहाथे आर्टि फिसिएल इन्टेलिजेन्स टेकनिकजो आइजोफोर आर्रो गथ 'फोरखौ मदद खालामनो हायो।

## भारतआव लाबोनायनि उनाव निरब मदिखौ रड जेलनि बेरेक नम्बर-12 आव लाखिनाय जागोन

गोदान दिल्ली, 28 फेब्रुवारी: ब्रिटेननि वेस्टमिनस्टार मेजिस्ट्रेट कर्टआ निरब मदिखौ भारतआव लांफिनायनि सायाव गनायथि होबाय। कर्टनि जाज सेमुएल गुजीआ बुंनयाय बादिब्ला, निरब मदिनि हेंथायै थोजासे फोरमान दड। मख'नो गोनांदि, निरब मदिनि सायाव बिमाइ मेहुल चौकसीजो लोगोसे गोरबलायनानै पान्जाब नेसेल बेंक (पिएनबि) निफ्राय 14,500 कौटि रांनि गेनाखाथिनि दाय जाबसिनाय जादो। बियो 2018 नि जानुवारीनिफ्रायनो हादरनि बाइजोआव दड। बिखौ

भारतआव लाबोनायनि उनाव मुम्बाइनि आर्थर रड जेलनि बेरक नम्बर-12 आव लाखिनाय जागोन। बेरक नम्बर-12 आव हाइ सिक्किउरिटि सेल दड; जेराव सरासन्सा कयेदिफोरनि रुजुनायाव बांसिन साबसिनै सुबिधा मोनो। निरब मदिखौ जेराव दोन्याय जागोन, बेनि जारिमिनआ 95 बोसोरनिखुइबो गोजामसिन। बे जेलखौ 1926 आव इराजफोरा बानायदोमोन। बे जेलआ 2.83 एकड हायाव बानायनाय। बेयाव खेबसेयेनो सा 800 कयेदिफोरखौ दोनो हायो, माब्लाबा बेयाव

कयेदिफोरनि अन्जिमाया 2-3 रोजानिखुइबो बांसिन सौहैयो। मिबथिनो मोन्याय बादिब्ला, आर्थर रडनि मुंखौ सार जर्ज आर्थरनि मुडव दोन्याय जादो, जाय 1842-1846 सिम बम्बाइनि गभर्णर जादोमोन। बेनि जाहोनाव बेखौ आर्थर रड जेलबो बुंनयाय जायो। थानाय 1970 आव बे रडनि मुंखौ सोलायनानै साने गुरुजी दोन्दोमोन। थानाय 1994 आ बे जेलनि मुंखौ मुम्बाइ सेन्ट्रेल प्रिजन दोन्दोमोन। नाथाय

अब्लाबो बेखौ आर्थर रड जेलनि मुडैनो मिबथिनाय जायो। महाराष्ट्रनि प्रिजन डिपार्टमेन्टआ थानाय 2019 आवनो लन्डननि वेस्टमिनस्टार कर्टआव बेरक नम्बर-12 नि सोमोन्दै खौरां होदोमोन। बे समाव प्रिजन डिपार्टमेन्ट आ फोरमायदोमोनदि, निरब मदिखौ जेराव दोन्याय जागोन, बे जायगाया हाइ सिक्किउरिटि गोनां जागोन आर्रो बेयाव बियो मेडिकेल फेसिलिटीबो

मोनगोन। थानाय 2020 नि आगस्टआव वेस्टमिनस्टार कर्टआ बेरक नम्बर-12 नि भिडिअखौबो नायदोमोन। बेनि उनावनो कर्टआ निरब मदिखौ भारतआव लांनो गनायथि होयो। बेनि सोमोन्दै कर्टआ बुंदो, निरब मदिआ बेरक नम्बर-12 आव आबुडै सेफ थागोन। बेयाव बियो सुइसाइड खालामनायनि खाबु थानाय नड, मानोना बेयाव बिनि हेल्थआ आबुडै जोथोन लानाय जागोन।

## एन्टार्कटिकायाव बरफनि गिदिर बाहागोआ गावस्रालांदो

लन्डन, 28 फेब्रुवारी: एन्टार्कटिकायाव ब्रन्ट आइस शेल्फनिफ्राय बरफनि गिदिर बाहागोआ गावस्रालांदो। बे जायगाया ब्रिटेननि साइन्टिफिक आउटपस्टनिफ्राय बांदाय गोजानआव नडा। ब्रिटिश एन्टार्कटिक साभेनि बादिब्ला, आइसबार्गनि गावस्रानाय बाहागोआ 490 बर्ग कि:मि:। बेयो दाथायाव निउयर्क सहरनिफ्रायबो देरसिन। बिएएसनि बादिब्ला, बेवहाय बरफनि रोजाया 150 मिटार। बेवहाय गिदिर गावस्रानायनि जाहोनाव बिगियानगिरिफोरा गोबां समनिफ्रायनो मोनसे गिदिर आइसबार्ग गावस्रानायनि सन्देह खालामनायखौ फोरमायदोमोन। आधिखालाव बे जायगाया मोनसे गिदिर हाख'र जादो। बिएएसआ माखासे सान सिगां बानायनाय बेनि भिडिअखौ फोसावदो। बेवहाय आइसबार्गनि गिदिर गावस्रानायखौ नुनो मोन्याय जादो। बे गावनाया शुक्रबारखालि फुडाव 100 मिटारसिम बांलांदो। बेनि



जाहोनाव बे बाहागोआ गावस्रालांदो। सेटेलाइट इमेज आर्रो बिनि नेटवर्कनि गेजेरजो बे जायगायनि सानफ्रोमबो आपडेट मोन्याय जायो। बे डाटाखौ नायबिजिरनो थाखाय केम्ब्रिजआव दैथाय हरनाय जाबाय। बिएएसनि हेलि रिसार्च स्टेसनआ बे समाव गुसुनि जाहोनाव बन्द जानानै दड। बेवहाय थानाय सा 12 सुबुंफोरनि स्टाफआ बे दाननि जागायजेन्नायाव बेवहाय

ओंखारलांदोमोन। 1956 निफ्राय ब्रन्ट आइस शेल्फआव

माखासे जायगायाव मोन 6 हेलि स्टेसन बानायनाय जादो। गुसु बोथोराव बेवहाय रावबो स्टाफआ थाया। बे समाव बेवहायनि बिदुडा माइनास 50 डिग्री सेलसियाससिम दावखलायो। बिएएसआ सांघ्रांथि महरै 2016 आव हेलि रिसार्च स्टेसननि जायगायाखौ सोलायहोदोमोन। 2017 नि उननिफ्राय स्टाफआ बेवहाय गरम बोथोराव खामानि मावदो। बरनि शेल्फआ बोसोरफ्रोम 2 कि:मि: लैथोमा फासे बोहैलाडो। बेनि माखासे बाहागोआ गावस्रालांदो। बिएएसनि बादिब्ला, बेयो मोनसे नेचरेल प्रसेस।

गोदान दिल्ली, 28 फेब्रुवारी: फावखुंघ्रि एश्वर्या राय बायदि नुनायनि जाहोनाव भाइरेल जानायफोरनि फारिलाइआव आर्रोबाव मोनसे मुडा थाफादेरबावबाय। बिनो जादो पाकिस्ताननि बिउटि ब्लागर आमना इमरान। सशेल मिडियाआव गोबां एक्टिभ थाग्रा आमनानि एकाउन्टआव

माखासे ओरैबायदि सावगारिफोरा दडजेराव बिखौ एश्वर्या बायदि पज होनायजो लोगोसे गोबां बेबायदिबो नुयो। बिनि बेबायदिनो माखासे सावगारिफोरा भाइरेल जादो आर्रो सशेल मिडिया इउजारफोरा



बिखौ एश्वर्यानि कार्बन कपि होन्ना फोरमायदो। सशेल मिडियाआव आमनाखौ गासे 4 रोजा सुबुंफोर फल खालामो। बियो गावबो गावखौनो गाव एश्वर्यानि एखे महरै नोजेर होयो। बियो गावनि

बाय 'आव लिरदो 'मिडिया एश्वर्या रायनि कार्बन कपि'। बियो बाय 'आव बेखौबो लिरदोदि, गाव गोजोन मोजां मोनलायनाय खौसेथि साहसगोनां आर्रो अनलायनायाव फोथायो। अ। म. न। फि. नि सिगाडवबो एश्वर्यानि एखे महरनि सुबुंआ भाइरेल जाखांबाय। बेनि गेजेराव फावखुंघ्रि स्नेहा उलालआ दंफादेरोमोन। 2005 आव जेब्ला बियो लाकी: न' टाइम फर लाबजो बलिउडआव डेब्यु खालामदोमोन अब्ला माखासे रिपर्टआव दाबि देखांदोमोनदि, सलमान खानआ एश्वर्या बायदि नुनायनि जाहोनावसो बिखौ सावथुनआव लानानै फेदो।

## फेब्रुवारी दानआव बिदुडा बांदो

गोदान दिल्ली, 28 फेब्रुवारी: फेब्रुवारीनि जोबथा सप्ताहआव हादरनि माखासे बाहागोआव मिनिमाम बिदुडा सरासन्सानिफ्राय 5-8 डिग्री बांदो। शनिबारखालि बेलासियाव उत्तराखन्ड आर्रो हिमाचलनि हाजोयारि ओन्सोलाव एसे बरफ गोलेदो। बोथोर एजेन्सि स्काइमेटनि बादिब्ला, सरासन्सा महरै फेब्रुवारी दानआव 4-5 खेब सोनाबयारि नार्सिन्थाया सौफैयो, जायनि गोहोम गोलैनायजो हाजोयारि राइज्योफोर जम्मु-काश्मीर, लाडाख, हिमाचल प्रदेश आर्रो उत्तराखन्डआव बरफ गोग्लैब्ला सा-सोनाब राइज्योफोर पान्जाब, हारियाणा, दिल्ली, उत्तर प्रदेश आर्रो राजस्ताननि गासैबो ओन्सोलाव सानसे साननै अखा हाबाय थायो। नाथाय बे खेबआव 4 फेब्रुवारीनि उननिफ्राय जायखि-जाया सोनाबयारि नार्सिन्थायनि गोहोमआ गाहाय ओन्सोलाव गोग्लैयाखै। थानाय 23 सानफोराव गाहाय ओन्सोलआव अखा हायाखै। इउरपनि गाहायाव थानाय भुमध्य लैथोमानिफ्राय जाय जोमैया पाकिस्ताननि गेजेरजो फैनानै भारतआव सौफैयोमोन। नाथाय बे खेबआव बे जोमैया हिमाचलनि हाजोजो सौग्रावनायनि सिगांनो काश्मीरनि लामाजो गेजेर एसियाथिजाय थांदो। बेनि जाहोनावनो गाहाय ओन्सोलाव बिदुडा बांलांबाय थादो। 1 मार्चखालि पान्जाब, हारियाणा, दिल्ली आर्रो राजस्तानआव फिन खेबसेबाव बिदुडा दावखलायनो हागो। नाथाय बेनि उननिफ्राय बिदुडा बांलांबाय थागोन। जुदि बेबादि पेटार्नआ थाबाय थायोब्ला बे खेबआव मौसुमि बोथोरा सम थानायावनो सौफैगोन आर्रो अखायाबो मोजां रोखोमै हागोन।

गोदान दिल्ली, 28 फेब्रुवारी: फेब्रुवारीनि जोबथा सप्ताहआव हादरनि माखासे बाहागोआव मिनिमाम बिदुडा सरासन्सानिफ्राय 5-8 डिग्री बांदो। शनिबारखालि बेलासियाव उत्तराखन्ड आर्रो हिमाचलनि हाजोयारि ओन्सोलाव एसे बरफ गोलेदो। बोथोर एजेन्सि स्काइमेटनि बादिब्ला, सरासन्सा महरै फेब्रुवारी दानआव 4-5 खेब सोनाबयारि नार्सिन्थाया सौफैयो, जायनि गोहोम गोलैनायजो हाजोयारि राइज्योफोर जम्मु-काश्मीर, लाडाख, हिमाचल प्रदेश आर्रो उत्तराखन्डआव बरफ गोग्लैब्ला सा-सोनाब राइज्योफोर पान्जाब, हारियाणा, दिल्ली, उत्तर प्रदेश आर्रो राजस्ताननि गासैबो ओन्सोलाव सानसे साननै अखा हाबाय थायो। नाथाय बे खेबआव 4 फेब्रुवारीनि उननिफ्राय जायखि-जाया सोनाबयारि नार्सिन्थायनि गोहोमआ गाहाय ओन्सोलाव गोग्लैयाखै। थानाय 23 सानफोराव गाहाय ओन्सोलआव अखा हायाखै। इउरपनि गाहायाव थानाय भुमध्य लैथोमानिफ्राय जाय जोमैया पाकिस्ताननि गेजेरजो फैनानै भारतआव सौफैयोमोन। नाथाय बे खेबआव बे जोमैया हिमाचलनि हाजोजो सौग्रावनायनि सिगांनो काश्मीरनि लामाजो गेजेर एसियाथिजाय थांदो। बेनि जाहोनावनो गाहाय ओन्सोलाव बिदुडा बांलांबाय थादो। 1 मार्चखालि पान्जाब, हारियाणा, दिल्ली आर्रो राजस्तानआव फिन खेबसेबाव बिदुडा दावखलायनो हागो। नाथाय बेनि उननिफ्राय बिदुडा बांलांबाय थागोन। जुदि बेबादि पेटार्नआ थाबाय थायोब्ला बे खेबआव मौसुमि बोथोरा सम थानायावनो सौफैगोन आर्रो अखायाबो मोजां रोखोमै हागोन।

## बोसोरसेनि उनाव भारतनि हौवा हकी हान्जाया गुबुन हादत दावबायनानै हकी सिरिज गेलेनो थाखाय थियारि जादों

गोदान दिल्ली, 28 फेब्रुवारी : भारतनि हकी हान्जाया थांनाय बोसोरसेनि उनाव हकी सिरिज गेलेनो थाखाय थियारि जाफिन्दों। मिथिनाय बादिब्ला, भारतनि हकी हान्जाया गुबुन हादतनि हायाव जार्मानि हकी हान्जाया हेंथायै हकी मेस गेलेनो थाखाय थियारि जादों। मिथिनाय बादिब्ला, भारतनि हान्जाया दिनेनिफ्राय मुलुगनां रेकिंनि 6थ सारिनि हान्जा जार्मानिनि हेंथायै मोनब्रे मेसनि हकी सिरिजखौ गेलेगोन। भारतनि हकी हान्जाया केपेटेन पि आर श्रीजेसआ बुडोदि, हान्जाया थांनाय माखासे दाननि उनाव गुबुन हादतनि हकी हान्जाया हेंथायै हकी सिरिज गेलेनो थाखाय थियारि जाफिन्नायखौ लानानै गोबां गोजोन्नाय फोरमायदों। श्रीजेसआ बुंबावोदि, थांनाय बोसोरसेनिफ्रायनो भारतनि हकी हान्जाया मोनसेबो मुलुगनां हकि मेसखौ गेलेयाखै। नाथाय फे गौ गेलेमुनि देरसिन बादायलायनाय टकिअ अलिम्पिक गेमसखौ नोजोर होनानै भारतनि हान्जाया बे समाव मोनसे हकी सिरिजखौ जार्मानि हान्जाया हेंथायै गोखों गेलेनो थाखाय थियारि जाबाय। भारतनि हकि हान्जाया जोबथा हकी मेचखौ थांनाय बोसोरनि जानुवारि आरो फेब्रुवारी दानआव गेलेदोंमोन। बे मोननै दाननि गेजेराव खुंजानाय एफ आइ एडस हकि प्र' लीगआव मुलुगनि गोखों हकी हान्जाफोर



नेडारलेन्ड, बेलजियाम आरो अस्ट्रेलिया हान्जाया हेंथायै मोगा-मोगि गेलेदोंमोन। हान्जाया केपेटेन पि आर श्रीजेसआ बुडोदि, भारतनि हान्जाया जार्मानिनि क्रेफेन्डआव सहेनाया दासिम सानबा जाबाय। थांनाय शुक्रुबारनिफ्राय भारतनि हकी हान्जाया प्रेकटिस

खालामनायखौ फारियै सोलिहोबाय थादों। नाथाय जार्मानि हादतआव भारतनि बोथोर एबा आबहावाखौ रुजुबोब्ला जार्मानि हादतनि आबहावाया जोबोद आलादा। बेनिखाइनो हादतनिखुइ जार्मानि हादतआव गेलेनाया एसे आलादा जागोन होनानै फोरमायदों।

भारतनि हकी हान्जाया केपेटेन पि आर श्रीजेसआ बुडोदि, जार्मानि हादत दावबायनानै मोनब्रे हकी मेच गेलेनाया फेगौ समनि टकिअ अलिम्पिक गेमसआव थोजासे हेफाजाब मोनो हागोन। लोगोसेनो गुबुन हादत दावबायनानै हकी सिरिजखौ जार्मानि हान्जाया हेंथायै जेरिख जाया देरहानो नाजागोन होनानै मिथिहोयो। मख'नो गोनादि, मुलुगनाडेनो कभिडनि गोहोम गोलैनायाव गासैबो गेलेमुनि बादायलायनायफोर बन्द' जानानै थादोंमोन। जेरव हकी गेलेनायाबो फारसेनिफ्रायनो बन्द' जानानै थादों। बेनि उनाव भारतनि हकी हान्जाया फिन गेलेनायखौ जागायजन्फिन्ना थियारि जानायखौ जोबोद गोजोन्नाय फोरमायदों।

## भारतनि आइजो क्रिकेट हान्जाया खोला आफ्रिकानि हेंथायै सानसेयारि आरो टी-20 मेच सिरिज गेलेनो थाखाय थियारि

### भारतनि हान्जाया 7 मार्चनिफ्राय गिबि मेचखौ गेलेगोन

गोदान दिल्ली, 28 फेब्रुवारी: कभिड-19 नि जाहोनाव बोसोरसे नाडेनो गेलेनायखौ दोन्थ'नायनि उनाव भारतनि आइजो क्रिकेट हान्जाया गुबुन हादतनि हेंथायै गेलेनायखौ जागायजेनफिन्ना बेसमाव गोखों थियारि जादों। मिथिनाय बायदिब्ला खोला आफ्रिकानि हेंथायै सानसेयारि आरो टी-20 क्रिकेट सिरिजखौ गेलेनो थाखाय भारतनि आइजो हान्जायाव मिज' थिजानाय गेलेगिरिफोरखौ सायख'नाय जाबाय। फेगौ 7 मार्चनिफ्राय भारतआ आफ्रिका हान्जाया हेंथायै सानसेयारि मेच सिरिज गेलेनायखौ जागाय जेनगोन। बे सिरिजनि थाखाय केपेटेन मितालि राज आरो टी-20 हान्जाया केपेटेन हरमनप्रित



कौडखौ सायख'नाय जायो। कभिड-19 नि गोसारनाय थासारिआ दासिमबो जोबनानै थाडाखैब्लाबो बेनि गेजेरावो भारतनि हान्जाया क्रिकेट सिरिज गेलेनो थाखाय थियारि जादों। मख'नो गोनादि भारतनि आइजो क्रिकेट हान्जाया थांनाय 2020

माइथायनि 8 मार्चआव जोबथा गेलेनायखौ टी-20 वर्ल्डकापआव जागायजेनदोंमोन। मेलबर्नआव जानाय बे वर्ल्डकापआव भारतनि क्रिकेट हान्जाया अस्ट्रेलियानि आखायाव जेन्ना गोनां जादोंमोन। बेनि सिगां भारतनि आइजो क्रिकेट हान्जाया गावनि नख'र सहरनि

गेलेग्रा फोथायव जोबथा मेचखौ 2019 माइथायनि 14 अक्ट'बरआव गेलेदोंमोन। बे गेलेनाय सानसेयारि क्रिकेट सिरिजआव खोला आफ्रिका हान्जाया 6 रानि फारगथिआव फेजेन्ना हादोंमोन। मिथिनाय बायदिब्ला फेगौ 7 मार्चनिफ्राय जागायजेनो गोनां भारत आरो खोला आफ्रिका हान्जाया गेजेराव मोन 5 सानसेयारि मेच आरो मोन 3 टी-20 मेचनि सिरिजखौ गेलेगोन। लोगोसे गासैबो मेचफोरखौ लक्ष्मीनि इकाना इन्टारनेसनेल क्रिकेट स्टेडियमआव गेलेगोन। मोनैबो आइजो क्रिकेट हान्जाया कभिड-19नि गाइडलाइनबायदिदै क्वारेन्टाइनआव लाखिनाय जागोन। भारतनि आइजो क्रिकेट हान्जायाव सानसेयारि क्रिकेट सिरिजनि थाखाय सायख'जानाय गेलेगिरिफोरनि मुडा फारियै-मितालि राज, श्रीमिति मन्डना, जेमिम्हा, पुनम राउट, प्रिया पुनिया, यास्टिका बाटिया, हरमनप्रित कौड, हेमलता, डिप्टि शर्मा, सुसमा शर्मा, सुइता बर्मा, रधाइ यादव, राजेश्वरी गाइक्वार, जुलम गश्वामि, मानसि जसि, मनिका पातेल, पुनम यादव, प्रतिउसा मोनहानो गाहाय। बिनि अनगायैबो टी-20 हान्जायाव हरमनप्रित कौडखौ केपेटेन आरो श्रीमिति मन्डनाखौ लेडइ केपेटेन महैर सायख'नाय हान्जायाव माखासे मिजिथिजानाय गेलेगिरिफोरखौ जायगा होदों।

## टकिअ अलिम्पिक गेम्सनि टर्स रेलिआ जागायजेनो गेजेराव दानसेल सै

टकिअ, 28 फेब्रुवारी: जापाननि रजथावनि टकिअ सहयव गेलेमुनि देरसिन बादायलायनाय अलिम्पिक गेम्सआ फेगौ 23 जुलाई अक्ट'निफ्राय जागाय जेनगोन। मख'नो गोनादि, कभिड-19 नि गाजियै गोहोम गोलैनायनि जाहोनाव बोसोरसेनि थाखाय टकिअ अलिम्पिक गेम्सखौ दोन्थ'दोंमोन। जाहोनाव बे सोलिफु बोसोरनि फेगौ 23 जुलाईनिफ्राय खुनो थांखि लानाय बायदिदै बेसमाव गासैबो मावफुं हबाफारिया गोखै सोलिबाय थादों। अदेबानि अलिम्पिकगेम्सखौ बेखेवनायनि सिगां

गेम्सनि बागै गुवैरै मिथिनाय आरो सुबुंफोरखौ थुलुंगाखां होनायनि थांखिजों टर्स रेलिआ फेगौ बावेसो साननिफ्रायनो जागाय जेनगोन। मिथिनाय बायदिब्ला फेगौ मार्च दाननि गेजेराव अलिम्पिकगेम्सनि टर्स रेलि खालामनाया माखासे साननि हबाफारिजों जागाय जेनगोन। खुंफुं आफ्नादआ शुक्रुबारखालि बे बाथाखौ मिथिहोनायजों लोगोसे टर्स रेलिआव गासैबो थाखोनि सुबुंफोरखौ बाहागो लानो फोसावदों। बेजों लोगोसेनो टर्स रेलि खालामनायाव सुबुंफोरखौ माक्स गाना लासेनो बाहागो लानो गनावथिबो



होनाय जादों। अलिम्पिक खुंफुं आफ्नादि लेडइ सामलायगिरिआ मिथि होनाय बायदिब्ला टर्स रेलिआव गोजेने बाहागो लानो बिथोन होनायजों

लोगोसेनो बे रेलिआव जेबो स्लगान होनाय नडा। नाथाय समाजआरि जान्थाय थांनाय हुदाखौ रेलिआव बाहागो लानाय गेलेगिरि आरो सुबुंफोर गोनांथारै फालिनांगोन। बान्जाय आफ्नादआ रोखा बाथाखौ मिथि होदोंदि, 25 मार्चनिफ्राय अलिम्पिक गेम्सनि थाखाय टर्स रेलिआ जापाननि पुकुसिमानिफ्राय जागाय जेनगोन आरो 23 जुलाईखालि बे रेलिआ टकिअ सहयव जोबथा हैगोन। मख'नो गोनादि फुकुसिमाआ जापाननि एरैबायदि रायखांजाथावना सहरदि जेरव बे सहरआव बांथि, सुनामि,

आरो गुन्नासायारि गुबुसारनायनि जाहोनाव गासै सहरआनो खेफोद गोनां थासारि जादोंमोन। बेनिखायनो अलिम्पिकनि लोब्यायै खुंगोन टर्स रेलिखौ पुकुसिमानिफ्राय जागायजेनो थांखि लादों। मुलुगनि गासैबो हादतनि गुबुन गुबुन गेलेमुनि गेलेगिरिफोर अलिम्पिक गेम्सआव बाहागो लानो गोखोंथियारि जादों। मानोना बे गेम्सआ खुंजानो गेजेराव माखासे दानल' दसै आरो गासै गेलेथिलिफ्रानो आबुडै थियारि जाबाय होनानै सुलुनिफ्राय मिथिनो मोन्दों।



**SERVING THE COMMUNITY WITH THE GIFT OF IMMUNITY**



## Launching of 3rd phase of COVID vaccination on 1st March, 2021

### Who are the beneficiaries?

- All citizens aged 60 years or more.
- Citizens aged 45 to 59 years with specific comorbidities.
- Remaining registered healthcare workers and frontline workers.

(Comorbidity certificate needs to be provided from Registered Medical Practitioner)



### Where can you register?

- Beneficiaries can register themselves on the COWIN portal or through other apps such as Arogya Setu.
- Eligible citizens can walk in and get themselves registered for vaccination.



### Comorbidities

- Heart failure with hospital admission in past one year.
- Post Cardiac Transplant/Left Ventricular Assist Device.
- Significant Left Ventricular systolic Dysfunction (LVEF < 40%).
- Moderate or Severe Valvular Heart Disease.
- Congenital Heart Disease with severe PAH or Idiopathic PAH.
- Coronary Artery Disease with past CABG/PTCA/MI and hypertension/Diabetes/HIV Infection.
- Primary Immunodeficiency Disease/HIV Infection.
- Angina and Hypertension/Diabetes on treatment.
- Decompensated cirrhosis.
- Lymphoma/Leukaemia/Myeloma
- Diagnosis of any solid cancer on or after 1st July, 2020 or currently on any cancer therapy.
- CT/MRI documented stroke and Hypertension/Diabetes on treatment.
- Persons with disabilities due to Intellectual disabilities/Muscular Dystrophy/Acid Attack with involvement of respiratory system, persons with disabilities having high support needs/multiple disabilities including deaf-blindness.
- Pulmonary Artery Hypertension and Hypertension/Diabetes on treatment.
- Diabetes (> 10 years or with complications) and Hypertension on treatment.
- Kidney/Liver/Hematopoietic stem cell transplant; Recipient/on waitlist.
- End Stage Kidney Disease on Haemodialysis/CAPD.
- Current prolonged use of oral corticosteroids/immunosuppressant medications.
- Severe respiratory disease with hospitalisations in last two years/FEV1 < 50%
- Sickle Cell Disease/Bone Marrow Failure
- Aplastic Anemia/Thalassemia Major.

### What ID proof should you carry? (any one)

Aadhaar Card/Electoral Photo Identity Card/Driving Licence/Passport/PAN Card/Voter ID Card/Employment Card



### Free and paid services

- Vaccines will be provided free of charge at all Government health facilities.
- It will be available on payment of Rs.250.00 (maximum) at private health facilities.

On 1st of March, 2021 vaccination will be provided in 7 Medical Colleges of Assam and private hospitals. In this phase vaccination will be provided in all the Government health facilities and private hospitals empanelled under AB-PMJAY, Health Insurance Schemes and CGHS.

Follow COVID appropriate behaviour all the time. Always wear face mask, wash your hands with soap & water regularly and maintain physical distance.